

অণ্ডক
—বার্ষিক

শ্রীঅমিন্দ্র কু

সিঙ্গাপুর

মোক্ষ মিত্র এণ্ড কোং
পুস্তক বিক্রেতা ও প্রকাশক
১০:২ ওয়েলিংটন স্ট্রীট, কলিকাতা।

ফাল্গুন—১৯৩৫

প্রকাশক—

শ্রীঅমলকৃষ্ণ মিত্র

ঘোষ মিত্র এণ্ড কোং,


১০।২ গুয়েলিংটন ষ্ট্রীট, কলিকাতা ।

দাম এক টাকা

প্রিন্টার—বি, এন, ঘোষ ।

আইডিয়াল প্রেস ।

৮১।১ মসজীদ বাড়ী ষ্ট্রীট, কলিকাতা ।



—বিশ্বনাথ স্মৃতি—

কণিকের অতিথি	(কবিতা)	শ্রীনরেন্দ্র দেব ।
মিলন	(গল্প)	শ্রী সরোজ নাথ ঘোষ ।
চিঠির চর্চা	(গল্প)	শ্রীপ্রেমোৎপল বন্দ্যোপাধ্যায় ।
গল্পী	(কবিতা)	শ্রীগিরিজা কুমার বসু ।
চক্র	(গল্প)	শ্রীফণীন্দ্র নাথ পাল ।
আরো গিটি করে'	(কবিতা)	শ্রীপ্রভাত কিরণ বসু ।
কিংক	(গল্প)	শ্রীশান্তা মিত্র ।
ধারী	(রূপক)	শ্রীনারায়ণ চক্র ঘোষ ।
চিত্রকর	(গল্প)	শ্রীসুধীন্দ্র কুমার দেব ।
আদেশ	(গল্প)	শ্রীমুণীন্দ্র প্রসাদ সর্বাধিকারী ।
ব্যর্থ বর্ষা	(কবিতা)	শ্রীরাধাচরণ চক্রবর্তী ।
বিধির বিধান	(গল্প)	শ্রীনলীন্দ্র দেব ।
স্বপ্ন ভঙ্গ	(চিত্র)	শ্রীসত্যেন্দ্র কুমার বসু ।
কুয়াশা প্রভাত	(কবিতা)	শ্রীলীলা দেবী ।
অক্ষয়লের পল্ল	(গল্প)	শ্রীঅমিয় কুমার মিত্র ।
শরতের গান		শ্রীনির্মল চক্র বড়াল ।
ভবিতব্য	(গল্প)	শ্রীরাধারাণী ঘোষজায়া ।

অগুরু

ক্ষণিকের অতিথি

যারে চাড়াছাড় বাধিয়া রাখিতে
বন্দী করি এ বাহু-বন্ধনে
চপল-অঞ্চলা,

তুমি যে পারোনা কভু অচল থাকিতে
ধরণীর আনন্দ-নন্দনে
হে চির-চঞ্চলা,

একথা জানিত মন, তবু সব ভুলে
চেষ্টেছিছু তোমারে বাধিতে
অছেগু শৃঙ্খলে,

ভাবি নাই কোনোদিন জীবনের কূলে
একা মোরে হবে গো কাঁদিতে
তিতি-অশ্রুজলে !

তুমি চলে যাবে—এটা ভুলেও স্বপনে
কল্পনায় পারিনি আনিতে :
ছিল গো ধারণা—

ভালবাসিমাছ যারে, কভু তার মনে
 হেন বজ্র-বেদনা হানিতে
 তুমি তো পারোনা :

সেদিন কান্নি আমি, তুমি এসেছিলে
 ক্ষণিকের আনন্দ বহিয়া
 লীলাভরে কত,

অশুরাঙ্গে নিমেষের তৃপ্তি শুধু দিলে
 এ জীবনে জড়িত রহিয়া
 প্রেমনার মতে :

সাত্রী মোনা যুগে যুগে জীবনের পথে,
 কোন্ তীর্থে নাহি জানি
 কুরাবে এ গতি,

রূপপদে বহুর চলি কোনমতে
 ধরেছিলু তব পদাপাণি
 ওগো আয়ুধতা :

সেদিন চলার পথে শ্রান্তিকে মম
 বহুযত্নে করেছিলে দূর
 প্রাণপণে সেবি,

ধরেছিলে কাণে কাণে 'প্রিয়—প্রিয়তম'
 সূধা তেলে অধরে মধুর
 কে তুমি গো দেবী ?

মিলন

(১)

“বাপ জান্, বাচ্চাকে একটু ধর, আমি আসছি।”

ছয় বৎসরের বালক রহমৎ তাহার বলিষ্ঠ বাহুগুলের সাহায্যে মুকুলিত পদ্মের গায় সুন্দরী একবৎসরের বালিকাকে তাহার মসিকৃন্দ বুকের উপর তুলিয়া লইল। মেঘের কোলে বিছাতের একটা স্থির রেখা কে ঘেন আঁকিয়া দিল।

বালক কত অর্থহীন কথা উচ্চারণ করিয়া শিশুর মনোরঞ্জনের চেষ্টা করিতেছিল, এমন সময় রহমতের জননী একটি পেয়লা ভরিয়া উষ্ণত্ব লইয়া তথায় ফিরিয়া আসিল।

রোকুতমানা বালিকাকে কোলের উপর শোয়াইয়া দিয়া রহমৎ তখন ভাল মান লয় হীন শিশুকণ্ঠের সঙ্গীতের দ্বারা তাহাকে ভুলাইবার বৃথা চেষ্টা করিতেছিল।

মাথা বলিল, “এই যে আমি এসেছি, খুকীকে আমার কাছে দে।”

বালক বলিল, “না মা, আমি ওকে দুধ খাইয়ে দেব।”

মাতা হাসিয়া বলিল, “দুধ পাগল ছেলে, তুই পারবিনে”

অনেক প্রকারে বুকাইয়া পুত্রের ক্রোড় হইতে মাতা শিশুকে তুলিয়া লইল।

এই শিশু একটি ইরাকের নরপতি সর্দার মোয়াজ্জিমের সন্তান। প্রসবের পর প্রদীপ্ত বুদ্ধিযুক্ত সর্দার শিশুর পালনভার ধাত্রী রহমৎ-জননীর উপর অর্পণ করিয়াছিলেন। রহমতের মাতার কিছুদিন পুষ্ক

একটি-কণা জন্মগ্রহণ করিয়া মৃত্যুমুখে পাত্ত হইয়াছে। তাহার স্বামীও অল্পদিন হইল ইহলোক ত্যাগ করিয়াছে। সর্দার মোয়াজ্জিম এই ক্রীতদাস দম্পতিকে অত্যন্ত স্নেহ করিতেন। রহমতের মাতার বক্ষে দুঃখ-ধারা ছিল—তাঁহার মাতৃহারা কণা এই বিশ্বস্তা ক্রীতদাসী—ধাত্রীর পরিচর্যায় মানুষ হইয়া উঠিবে এ আশা মোয়াজ্জিমের ছিল। শুদ্ধান্তঃ-পুরের একপ্রান্তে উগ্গান সমীপবর্তী ক্রীতপুত্র কক্ষে রহমৎ ও তাহার মাতা আশ্রয় পাইয়াছিল।

বালক রহমৎ, সর্দার নন্দিনীকে সর্বক্ষণ কোলে লইতে পারিলে আনন্দে উৎফুল্ল হইয়া পড়িত। তাহার সন্তোজাতা ভগিনীর অকাল মৃত্যুর জন্য, রহমতের জাগ্রত ভ্রাতৃস্নেহ প্রভু কণার উপর চরিতার্থতা লাভ করিতেছিল। শিশুর নামকরণ হইয়াছিল রাবেয়া। রহমৎ একদণ্ডও রাবেয়াকে নব্বনের অন্তরাল করিতে চাহিত না। শৈশবের স্বপ্নস্বর্গে সে রাবেয়াকে রাণীর মত ভাবিয়া স্নেহ ও স্ত্রীতির অর্ঘ্যে পূজা করিত।

(২)

বসন্তের প্রভাতে চারিদিক কলে কলে ভরিয়া উঠিয়াছে। ইউক্রেটিস্ ও টাইগ্রীস্ নদীর সঙ্গমস্থলের বিস্তীর্ণ—সীমাহীন জলরাশি দিকচক্র বাল্লে মিলাইয়া গিয়াছে। নদীর তীরবর্তী রাজ্যস্থানে প্রকৃতির রঙ্গিনী বৃষ্টি, মনোলোভা শোভা! সর্দারের প্রাসাদশীর্ষে জাতীয় পতাকা উড্ডীন হইতেছে। প্রাসাদ সংলগ্ন বিস্তীর্ণ সোপান শ্রেণী টাইগ্রীস নদীর গর্ভে নামিয়া গিয়াছে। সর্দারের সুদৃশ্য বজরা সোপানের একপার্শ্বে শৃঙ্খলিত হইয়া রহিয়াছে।

পুষ্পভারাবনত একটি বৃক্ষের একটি শাখা নত করিয়া পঞ্চদশবর্ষীয় আকশোর রহমৎ দশমবর্ষীয় রাবেয়ার জন্য কিছু পুষ্পচয়ন করিতেছিল।

ঐতিবিষ্কারিতনেত্রে বালিকা অদূরে দাঁড়াইয়া রহমতের কার্য নিরীক্ষণ করিতেছিল। নিকটে তখন কেহই ছিলনা।

পঞ্চদশবর্ষীয় কিশোর হইলেও রহমতের দেহে নিয়মিত ব্যায়ামচর্চার অভ্রান্ত পরিচয় ছুটিয়া উঠিয়াছিল। তাহার মাংসপেশীবহুল বলিষ্ঠ বাহুগল, কপাটবন্ধ তাহার নিকষকৃষ্ণ দেহের উজ্জ্বল্য ও শোভা বর্দ্ধিত করিয়াছিল। সুখভোগলালিতা সর্দার নুন্দিণীর সুগৌর দেহেও বসুরাই গোলাপের দীপ্তি ক্রমেই ফুটতর হইতেছিল।

সুন্দর একটি তোড়া বাঁধিয়া রহমৎ সসম্মে উহা লইয়া রাবেয়ার সম্মুখে উপস্থিত হইল। রাবেয়া, বয়োবৃদ্ধির সঙ্গে সঙ্গে তাহার আশৈশব সহচর, অশুগত ও ভক্ত রহমৎকে ভ্রাতৃজ্ঞানে স্নেহ করিত। তবে সে যে ইরাকের সর্দারের কন্যা, আভিজাত্য, পদমর্যাদা এবং রূপগৌরব তাহার যে অসামান্য এই বোধশক্তি ধীরে ধীরে তাহার কিশোর মনের একপ্রান্তে যে সমুদিত হইতেছিল তাহা তাহার ব্যবহারে কসময় সমস্ত প্রকাশ না পাইত এমন নহে।

রহমতের প্রস্তুত করপল্লব হইতে পুষ্পগুচ্ছ লইয়া রাবেয়া চঞ্চলচরণে উদ্যানপ্রান্তে ছুটিয়া গেল। রহমতও, প্রভুর অশুগামী বিশ্বস্ত কুকুরের শ্রায় তাহার অশুগামী হইল।

প্রভাত আলোকের দীপ্তিচ্ছটা তখন দিগন্তবিস্তৃত উচ্চল জলরাশির উপর নৃত্য করিতেছিল। বালিকা 'দকচক্রবালে মুগ্ধ দৃষ্টি নিবদ্ধ রাখিয়া সহসা বলিয়া উঠিল, “রহমৎ, ঐ যে জলের মধ্যে অনেক দূরে একটা কালো জিনিষ দেখা যাচ্ছে ওটা কি জান ?”

রহমৎ বলিল, “ওটা একটা ছাপ।”

“ওখানে কি আছে ?”

“কিছু নেই, শুধু পাহাড়।”

“ওখানে মানুষ আছে ?”

“না, শাহজাদি, মানুষ জানোয়ার কিছুই ওখানে নেই।”

বালিকার কৌতূহল ইহাতে নিবৃত্ত হইল না। সে তাহার চপল নয়নযুগল রহমতের দিকে ফিরাইয়া বলিল, “ওখানে যাওয়া যায় না ?”

“যায়, নোকো করে।”

বালিকা কয়েক মুহূর্ত কৃষ্ণবর্ণ স্বীপের দিকে নিবিষ্ট মনে চাহিয়া রহিল। জ্ঞান সঞ্চারের পর হইতে, উড়ানে বেড়াইবার সময় কতবার ঐ সুদূরবর্তী স্বীপটিকে সে দেখিয়াছে, উহা কি তাহা জানিবার জন্য আগ্রহ জন্মিয়াছে, কিন্তু খেলায় ভুলিয়া কাহাকেও সে বিষয়ে জিজ্ঞাসা করিতে তাহার মনে হয় নাই। আজ বসন্তপ্রভাতে, জলবিস্তারের মধ্যে স্বীপটি-
কোন মায়া রাজ্যের একটা বিচিত্র পদার্থের ন্যায় মনে হইতেছিল।

“আচ্ছা রহমৎ, তুমি ওখানে কখন গিয়েছ ?”

“না, শাহজাদি। ওখানে ষা'র তা'র যাবার হুকুম নেই। যে সর্দারের বিষ নজরে পড়ে, রাজদ্রোহী হয়, তাকে ওখানে বন্দী করে রাখা হয়।”

বালিকা সবিস্ময়ে রহমতের দিকে ফিরিয়া চাহিল। তাহার কোমল হৃদয় স্বীপটিকে আর অন্তুকুল ভাবে গ্রহণ করিতে পারিল না। সে বলিল, “তবে ত ওটা বড় খারাপ জায়গা। না, আমি ওখানে যেতে চাইনে।”

রহমত মুহূ হাসিয়া বলিল, “শাহজাদির ওখানে যাবার ত কোন দরকার হবেনা। ও জায়গা দুঃখীদের শাস্তির জন্য।”

শুক পত্র মর্শ্বরের শব্দে রহমৎ সহসা পশ্চাতে ফিরিয়া চাহিল। স্বয়ং সর্দার মোয়াজ্জিদ খাঁ, এত সকালে এখানে! তিনি ত কোন দিনও এদিকে বেড়াইতে আসেন না!

প্রজাগণ সম্বন্ধে এবং রাজসভা মন্ত্রণা ও আলোচনার বাক্যজালে সংক্ষুব্ধ হইয়া উঠিল। রহমৎ ষথাসময়ে নিয়মিতভাবে দরবারে আসিধা আপনার নিদিষ্ট আসনে বসিয়াছিল। সর্দার ইদানীং তাহাকে অন্যতম সেনানী পদে নিযুক্ত করিয়াছিলেন।

সর্দারের আগমনে সভাস্থল সহসা নিস্তব্ধ হইল। সিংহাসনে উপবেশন করিধা মোয়াজ্জেম খাঁ একবার চারিদিকে চাহিয়া দৌতলেন। তাঁহার মুখমণ্ডলে দুশ্চিন্তার কালো ছায়া—ললাট রেখাঙ্কত।

কিয়ংকাল নীরব থাকিয়া সর্দার গম্ভীর ভাবে বলিলেন, “অঃ আমার রাজ্য বিপন্ন। সকলেই শুনে থাকবেন, দুর্দর্ষ দস্যু সর্দার জিন্দা খাঁ সীমান্তপ্রদেশের ৬৭খানা গ্রাম অধিকার করে রাজধানী আক্রমণের উদ্যোগ করছে। তার আক্রমণ ব্যর্থ করবার জন্য সেনাপতি রেজা খাঁ হাজার সৈন্য নিয়ে গিয়েছিলেন। সেনাপতি আহত, সেনাদল ছত্রভঙ্গ হয়ে গেছে। এই দুর্বল দস্যুদলকে পরাজিত না করতে পারলে রাজ্যের সর্বনাশ হবে। আমি একজন সাহসী ও চতুর সেনানায়ককে এই কাজের ভার দিতে চাই। কিন্তু বেশী সৈন্য আমি দিতে পারব না। দেশের চারিদিকে শান্তি ও শৃঙ্খলা রক্ষার জন্য সেনাদলকে ছড়িয়ে রাখতে হবে—রাজধানী রক্ষার জন্যও প্রচুর সৈনিক প্রয়োজন। আপনাদের মধ্যে কে অল্প সংখ্যক সৈন্য নিয়ে দস্যুর বিরুদ্ধে যেতে চান?”

দস্যু সর্দার জিন্দা খাঁর নাম সকলেই জানিত। এই প্রবল পরাক্রান্ত দস্যুর নামে সমগ্র আরবদেশ কম্পিত হইত। এ পর্যন্ত কেহ তাহাকে পরাজিত করিতে পারে নাই। বিশেষতঃ সেনাপতি রেজাখাঁর ন্যায় অমিততেজা ও রণবুশল সেনানায়কও যখন যুদ্ধে পরাজিত ও আহত, তখন অল্পসংখ্যক সৈন্য লইয়া কে ক্রব মৃত্যুকে বরণ করিয়া লইবে ?

সভার এক প্রান্ত হইতে অপর প্রান্ত পর্য্যন্ত একটা প্রচণ্ড নীরবতার ধ্বনিকা কে ঘন প্রহৃত করিয়া দিয়াছিল।

সর্দার জ্বানিতব, জিন্দা খাঁর নাম শুনিলে কেহই সাহস করিয়া তাহার বিরুদ্ধে স্বল্প সেনাবলসহ অভিযান করিতে চাহিবে না। কিন্তু বর্তমান অবস্থায় সীমান্ত প্রদেশে অধিক সৈন্য প্রেরণ করিবার সাহসও তাঁহার ছিলনা।

মোয়াজ্জিম খাঁ কণ্ঠস্বর উর্ধ্বে তুলিয়া বলিলেন, “আজ এই দুর্শ্চিন্তায় দায় হইতে আমাকে যে মুক্তি দিতে পারবে—এই পাপিষ্ঠ দস্যুকে পরাজিত করিতে পারবে, তাকে আমি বিশেষ পুরস্কার দান করব—সে না চাইবে, যদি আমার সাধ্যাভীত না হয়, তাই তাকে দেব।”

সেনাপতি ফৈজু দগুয়মান হইয়া বলিলেন, “বিশসহস্র সৈন্য হইলে আমি চেষ্টা করিয়া দেখিতে পারি, জাঁহাপনা।”

“অসম্ভব! এত অধিক সৈন্য এ সময়ে দেবার শক্তি আমার নাই। দশহাজার তুমি পাইতে পার।”

সেনাপতি আসন গ্রহণ করিলেন।

সভামধ্যে একটা গুঞ্জন শব্দ উথিত হইল; কিন্তু কোনও উৎসাহী ব্যক্তিকে সর্দারের নিকটে আর উথিত হইতে দেখা গেলনা।

মোয়াজ্জিম খাঁ নৈরাগু ভরে বলিয়া উঠিলেন, “কি দুর্ভাগ্য! ইরাক কি আজ বীর শূন্য?”

সভার প্রান্তদেশ হইতে গম্ভীর কণ্ঠে ধ্বনিত হইল, “নিশ্চয় নহে। আপনি আদেশ করুন, জাঁহাপনা! আমি ৫ হাজার সৈন্য নিয়ে জিন্দা-খাঁকে আরও নরকভূমি পার করে দিয়ে আসি।”

সর্দার প্রহঃ প্রত্যেক ব্যক্তির বিস্মিত দৃষ্টি সেইদিকে নিষ্ক্রিপ্ত হইল।

তাহার মৃত্যু সংবাদে তাহারা উৎসাহহীন হইয়া পড়িয়াছিল।

সর্দার, রহমতের উল্লিখিত বীরত্ব ও রণকৌশলের পরিচয় পাইয়া রাজধানীতে উৎসবের আয়োজন করিয়াছিলেন। শত্রু দমন করিয়া রহমৎ যখন দরবার গৃহে প্রবেশ করিল, সর্দারের আদেশে বীর যুবককে পুষ্পমাল্যে অভিনন্দিত করা হইল। রহমতের জয়ধ্বনিতে দরবার গৃহ পরিপূর্ণ হইয়া গেল।

সর্দার তখন স্নেহাপ্লুত কণ্ঠে বলিলেন, “রহমৎ, তুমি দেশের ইজ্জৎ, শান্তি রক্ষা করেছ, শত্রুভয় থেকে প্রজাগণকে চিরমুক্তি দিয়েছ। তোমাকে আমার অদেষ কিছুই নেই। কি পুরস্কার চাও বল।”

রহমৎ নীরবে, নত নেত্রে বসিয়া রহিল। প্রচুর রাষ্ট্রৈশ্বর্য, প্রভূত সম্মান, কিছুই সে চাহেনা। সে শুধু তাহার আশৈশবের ক্রীড়া সঙ্গিনীকে জীবনসঙ্গিনী করিতে চাহে। ইহা হয়ত তাহার পক্ষে দুরাশা, কিন্তু সেই আশার বলেই সে অসাধ্য সাধন করিতে গিয়াছিল। রাবেয়ার প্রতি তাহার একনিষ্ঠ প্রেমই তাহার বক্ষে ও বাহুতে শক্তি সঞ্চার করিয়াছিল, নহিলে জিন্দাখাঁর কাছে সে শিশু মাত্র।

“বল, রহমৎ, তুমি কি চাও? আমার রাজ্যের অর্দ্ধাংশ—”

বাধা দিয়া কৃতাজ্জলিগুটে রহমৎ বলিল, “বান্দাকে অত লোভী মনে করবেন না, জাহাপনা। অর্থ বা ভূসম্পত্তির প্রতি অধমের কোন আকর্ষণ নেই।”

বিস্মিত নেত্রে তাহার প্রতি দৃষ্টিপাত করিয়া সর্দার বলিলেন, “তবে কি চাও তুমি বল?”

জিন্দাখাঁর সহিত যুদ্ধে তাহার বক্ষ স্পন্দিত হয় নাই আজ তাহার হৃদয় ঘন ঘন আন্দোলিত হইতে লাগিল। অর্দ্ধফুট কণ্ঠে অবশেষে সে তাহার বক্তব্য প্রকাশ করিল।

দীপ্তরোধে মোয়াজেম খাঁ গর্জিয়া উঠিলেন, “বন্ধুর, তোর এতবড় সর্দার!—বিদ্রোহীটাকে যাবজ্জীবন ঘাঁপে বন্ধ করে রাখবার হুকুম দিলাম। আমার উপকার করেছে বলে প্রাণ দণ্ড দেওয়া হলনা। প্রহরী একে নিয়ে যাও।”

সেনাপতির আদেশে রহমৎ তাহার কোষবন্ধ ভরবারী নীরবে সর্দারের চরণতলে খুলিয়া রাখিল। নীরবে প্রহরী-বেষ্টিত হইয়া সে নির্দম দণ্ডভাগ করিতে চলিল। রাবেয়া যখন চিরজন্মের মত তাহার কাছে হুল্লভ, তখন কারাগারের বন্ধনই তাহার কাছে শ্রেয়ঃ।

উন্নতশীর্ষে রহমৎ ধীরে ধীরে সভাগৃহ হইতে নিজ্গান্ত হইল।

(৫)

সীমাহীন জলবিস্তার—দূরে একদিকে শুধু ইরাক সর্দারের পুত্র প্রাসাদ ক্ষুদ্র খেলাগৃহের গায় দেখা যাইতেছিল। বৃক্ষলতাহীন, শুষ্ক, গাঢ় কৃষ্ণবর্ণ ঘাঁপটি যেন জলমগ্ন দৈত্যের গায় মাথা খাড়া করিয়া আকাশ পানে চাহিয়া আছে। উহার গর্ভে একটি গুহামধ্যে অল্পরূপ কৃষ্ণবর্ণের একমাত্র অধিবাসী রহমৎ, সেই প্রাসাদের দিকে চাহিয়া বসিয়া ছিল।

অপরাত্তের আলো ক্রমে দিকে দিকে নানারেখা টানিয়া দিয়া পশ্চিম সমুদ্রবেলায় ঢলিয়া পড়িতেছিল। বৈশাখের আকাশখান্ডে একখানি ক্ষুদ্র মেঘ দূর হইতে একটি বিন্দুর মত দেখা যাইতেছিল, বায়ু শুষ্ক ঋষ, জলবিস্তার নিস্তরঙ্গ—প্রকৃতি যেন রক্ত বেদনায় গুমরিয়া উঠিবার উপক্রম করিতেছে।

গুহামধ্যে বন্দী শৃঙ্খলিত নহে, মুক্ত। হিংস্র মলজন্তু-সমাকীর্ণ সে জলবিস্তার অভিক্রম করিয়া কোনও ব্যক্তি পলায়ন করিতে সক্ষম নহে মনে করিয়াই ইরাকের অধিপতি রহমৎকে গুহামধ্যে মুক্ত অবস্থায়

না, সে ঐ প্রাসাদে—যেখানে তাহার শৈশবসঙ্গিনী, জীবনের একমাত্র আরাধ্যা দেবী বাস করিতেছে, সেই প্রাসাদপানে নিবন্ধদৃষ্টি হইয়া এই নির্কাসিত জীবন পাত করিবে, কোথাও যাইবার—পলায়ন করিয়া জীবনরক্ষা করিবার তাহার কোন সাধ নাই। ইরাকের বাতাস রাবেয়ার দেহস্বরভি বহন করিয়া পবিত্র, যে প্রাসাদে সে বাস করিতেছে। তাহার পাদমূল চুম্বন করিয়া তরঙ্গরাশি এই শৈলমূলে আসিয়া প্রতিহত হইতেছে, ইহাদের মধ্য দিয়াই সে রাবেয়ার রূপ, গন্ধ, স্পর্শের রস কি অনুভব করিতে পারিতেছে না? না, এখানেই তাহার চির-নির্কাসিত জীবন শেষ হইয়া যাউক।

কিন্তু আজ রক্ষিগণের মুখে সে যে সংবাদ শুনিয়াছে তাহাতে, এতদিন সে যে আশ্বাসে বাঁচিয়াছিল, তাহাও ত চূর্ণ হইয়া গেল! সর্দার-মন্দিরী আজ বিবাহ—পারশুর উপকূলবর্তী কোনও জনপদের রাজকুমার চিরদিনের জন্য রাবেয়াকে জীবনসঙ্গিনী করিতে আসিয়াছে। আজ রজনীতে রাজধানী উৎসবানন্দে মাতিয়া উঠিবে। কাল প্রভাতে রাবেয়া সুন্দরী স্বামীর সহিত শ্বশুরালয়ে চলিয়া যাইবে—তখন প্রাণহীন আশাশূন্য আনন্দ-বঞ্চিত এই ইরাকে রহমতের অবস্থিতির সার্থকতা কোথায়?

যুবক স্থির দৃষ্টিতে তটামুখে চাহিয়া বসিয়া রহিল। তাহার বলিষ্ঠ বাহুগল ঘন ঘন স্পন্দিত হইতেছিল, বিশাল বক্ষোদেশ আন্দোলিত হইয়া তাহার অন্তর্নিহিত বেদনাকে প্রকাশ করিতেছিল।

ঘনাকারে জল ও স্তম্ভ সমাচ্ছন্ন হইয়া গিয়াছিল! রহমৎ দেখিল, তীরভূমি আলোক-রেখায় প্রদীপ্ত হইয়া উঠিয়াছে। নিশ্চয় প্রাসাদ ও রাজধানী আজ মহানন্দে মাতিয়া উঠিয়াছে। রহমৎ! রহমৎ! আজ তোমার ইহলোকের সকল সাধ, সব আনন্দের সমাধি!

আরোহণী ঝবিন্যস্ত হয় নাই, উহার উপর দাঁড়াইবা মাত্র সহসা উহা একপার্শ্বে সরিয়া গেল।

সুন্দরীর মুখ হইতে একটা অব্যক্ত বিষয় ও আতঙ্কের চাপা শব্দ হইবামাত্র সঙ্গিনীরা চারিদিক হইতে ছুটিয়া আসিল।...না, রাজকুমারীর অঙ্গে কোনও বিশেষ আঘাত লাগে নাই ; কিন্তু সকলে সবিস্ময়ে দেখিল, একটা অর্ধনগ্ন মৃতদেহ বজরা ও সোপানশ্রেণীর মধ্যে ভাসিতেছে। রাজকুমারীর কোমল চরণযুগল শব্দেহ স্পর্শ করিয়াছিল।

অক্ষুট আর্জুনাদ করিয়া রাবেয়া উপরের সোপানের উপর উঠিয়া দাঁড়াইল। ভীষণ ক্লম্বর্ণ মৃত দেহটা কোথা হইতে আসিল ? গোলমাল শুনিয়া মোয়াজ্জেম ঝাঁ ঘটনাস্থলে আসিলেন। তাঁহার আদেশে মৃতদেহ গারে তোলা হইল।

বন্ধা ধাত্রী রহমতের জননীও রাবেয়ার সঙ্গে আসিয়াছিল। সেও ব্যাপার দেখিবার জন্য তথায় আসিয়া দাঁড়াইল। মোয়াজ্জেম তীক্ষ্ণ দৃষ্টিতে সেই বিবর্ণ, বিকৃত মুখের দিকে চাহিয়া শিহরিয়া উঠিলেন।

ধাত্রী দুইহস্তে বন্ধ চাপিয়া ধরিয়া বসিয়া পড়িল। তাহার মুখ হইতে চাপা দীর্ঘশ্বাসের সঙ্গে মর্ষভেদী স্বরে বাহির হইল—“বাপজান !”

মিলন রজনীর প্রভাতে শৈশব সঙ্গীর প্রাণহীন দেহস্পর্শে রাবেয়ার সুন্দর গোলাপী আননে কি মৃত্যুর বিবর্ণতা ফুটিয়া উঠিয়াছিল ?

শ্রীসরোজনাথ ঘোষ ।

ছোট্ট একটি ঘরে একলা থাকতো। জান্না দিয়ে সীমাহীন অনন্ত আকাশ তার চোখে পড়তো ও মনে নানা ভাব জাগিয়ে তুলতো। জ্যোৎস্না রাতে জান্না দিয়ে জ্যোৎস্না এসে প্রেমসীর মতো তাকে বুকে জড়িয়ে ধরতো। বর্ষা রাতে কালো মেঘের বুকে বিদ্যুতবাণীর নৃত্য চ্যুত স্বর্ণ মেখলার অপূর্ব জৌলুয তা'কে বিস্ময়-মুগ্ধ করে তুলতো। বর্ষা ধারা নিশীথ রাত্রে যখন চিরন্তন বিরহ বেদনার ক্রন্দন গীত গাইতো। সে তখন ব'সে ব'সে নিজের মানসীর কাল্পনিক বিরহের কবিতা লিখতো। এমনি ক'রেই ভাব-খেয়ালে মশগুল হ'য়ে তার দিন কাটছিলো।

সে অবিবাহিত। বিয়ে করলে হয়তো করতে পারতো কিন্তু বিবাহ যে নিচক সামাজিক বা লোকাচার ঘটিত ব্যাপার নয়, সেটার মধ্যে দিয়ে যে একটা চিরন্তনী প্রেমের ধারা ব'য়ে আসছে, তার ভিতর রোমান্স ওরা এবং প্রেম ও রোমান্স না থাকলে যে, বিবাহ বিবাহই নয়। এই ধারণা তার বন্ধমূল ছিলো বলে সে এতোদিন বিয়ে করেনি। তার মানসীকেই প্রেম, বিরহ, মিলন দিয়ে অভিনন্দিত করতো।

একদিন তার বন্ধু ভূতনাথ তা'কে খ্যাপাবার জন্যে বললে—ইয়ারে, এতো লিখছিচ্ছ কই কোনো মানসী তো? তোর মূর্তিমতী হ'য়ে তোকে ধরা দিলে না। তোর লেখা প'ড়ে কোনো মানসী কিছু জবাব পাঠিয়েছে?

এই কথায় কুমুদের মনে ধাক্কা লাগলো। সত্যই তো এতো দিন এ সম্বন্ধে তার মনে তো কিছুই হয়নি। এতো লেখা সব বৃথা হ'য়েছে। হয়তো এই লেখার কাঁদেই মানসী ধরা পড়তো। মনটা মুশড়ে গেলো। হতাশ ভাবে উত্তর করলে—কই, কেউতো কিছু লেখেনি, আর আমি ঠিকানা কাউকে জানাই নি, কাজেই কোনো জবাব পাইনি। মনে বিক্র'র এলো—সে মানসীকে হাতে পৌঁছে দেড়ে দিয়েছে।

আর এক বন্ধু প্রবোধ তা'কে হতাশ ক'রে দিয়ে বললে—আরে ছ্যা, আসল জিনিষেই ভুল। লেখার আসল উদ্দেশ্য যা তাই তুই অবহেলা করেছিস্। আর মানসী মানসী ক'রে হাওয়া হাতড়ে বেড়াছিস্। তুই একটা প্রকাণ্ড গাধা। আরে মানসী কাল্পনিক হ'লেও তা'কে চেষ্টায় বাস্তব ও সজীব ক'রে তুলতে হবে। তবেই তো আসল রোমান্স।

কুমুদের মনে হ'লো সত্যই তো। মানসী তো আর আপনি মূর্ত্তি ধ'রে আসে না এবং কোনো কবিকেই সে নিজে দেখা দেয়নি যতক্ষণ না তা'রা চেষ্টা ক'রে কল্পনার সোণার কাঠির স্পর্শে সজীব করে তুলেছে। আর এই সজীব করার জন্তে চাই প্রাণপাত সাধনা ও চেষ্টা।

সেইদিন হ'তে কুমুদ তার প্রাণের সমস্ত আবেগ ও আকাঙ্ক্ষাকে, সঞ্চিত বিরহকে, ছন্দে বেঁধে দিকে দিকে মানসপ্রেয়সীর উদ্দেশে পাঠিয়ে দিতে লাগলো। নানা উপায়ে ও কৌশলে গল্পের ভিতর নিজের ঠিকানা চালাতে লাগলো। আর সেই দিন হ'তে উৎসুক হ'য়ে ডাকের প্রত্যাশায় ব'সে থাকতে লাগলো। মনে আশা, আজ নিশ্চয় কোনো না কোনো উত্তর আসবে,—কোনো মানসী চিঠির বুকো তা'র বিরহ-বেদনা জানাবে।

কিন্তু প্রতিদিন নিরাশার মধ্যে দিয়ে কাটলেও মনে তার দৃঢ় বিশ্বাস হয়ে ছিলো যে, একদিন না একদিন সে মানসীর লিপি পাবে।

সেদিন সকালে সে ঘরে ব'সে লিখছে, এমন সময় ভূতনাথ ও প্রবোধ এসে তা'র সামনে একখানা মাসিক পত্র ফেলে দিয়ে বললে এই দেখ, প্রভাতী তো'র বিরহ বেদনার সাস্তুনালিপি বুকো ক'রে এসেছে। লেখিকা—চিত্র সেনা।

কুমুদ আশা-কম্পান্বিত বুকো একদমে সমস্ত লেখাটা প'ড়ে গেলো।

এই ছোট্ট চিঠিখানির ভিতর কুমুদ চিত্রসেনার হৃদয়ের অনেকখানিই যেনো দেখতে পেলো। স্পষ্টই বুঝতে পারলে চিত্রসেনাও তার প্রতি অনুরাগিনী, নইলে এমন উপযাচিকা হয়ে পত্র লেখে! আজ তা-রী আনন্দ হ'লো তার। যে অজানা মানসীকে এতদিন হৃদয়ের সমস্ত প্রেম উদ্দেশে অঞ্জলি দিয়ে এসেছে, আজ সেই মানসী মূর্তিমতী হ'য়ে তা'র অঞ্জলি গ্রহণ করতে এসেছে। কয়জন লেখকের ভাগ্যে এতোটা গৌরব হয়! তার সমকর্মীরা দেখুক। তা'রা দেখুক যে, সে শুধু লেখক নয়, প্রেমিক, সাধক—প্রেমকে সজীব ক'রে মূর্তি দিতে পারে।

কুমুদের চিঠি পেয়ে এক ভাবনা হ'লো যে, চিঠিতে তো চিত্রসেনা ঠিকানা দেয়নি, অথচ সে কুমুদের উত্তরের অপেক্ষায় থাকবে। সে কেমন করে উত্তর দেবে। নিশ্চয় চিত্রসেনা ভুল করেছে। কিন্তু এ ভুল যে কি মারাত্মক তা' বুঝলে সে নিশ্চয় করতো না। এবার যা থাকে কপালে প্রভাতী আপিস থেকে ঠিকানা সংগ্রহ ক'রে আসবে। তারা যাই মনে করুক সে ঠিকানা আনবে—মানস লক্ষ্মীকে কাছে পেয়ে লজ্জার জলে বিসর্জন দিতে পারবেনা, তা'কে পূজা করবে। সে চিঠি লিখে ঠিকানা আনবে মতলব করে চিঠি লিখতে ব'সে গেলো।

আজ কুমুদের প্রেমের আবেগ পরিপূর্ণ জোয়ারের মতো ফুলে ফুলে উঠতে লাগলো। চিঠির বুকে তা'র হৃদয়ের এতো দিনের সঞ্চিত প্রেমকে মুক্ত ক'রে দিলে। প্রাণের সমস্ত আবেগ দিয়ে চিঠিখানিকে সজীব ক'রে তুললে। দিনের পর দিন তার প্রেমাতুর হৃদয়ের মধ্যে যে বিরহ বেদনা সঞ্চিত হ'য়েছিলো, সেই বেদনা আজ পাওয়ার আনন্দে নুহুর্ভের মধ্যে উপশম হ'য়ে গেলো।

চিঠি লেখা শেষ হ'লে কুমুদের মনে আবার স্বন্দ উপস্থিত হ'লো যে, প্রভাতী আপিসে ঠিকানা জিজ্ঞাসা করবে কি না। কিছু ঠিক করতে না

তারপর চিঠির বুকে রয়েছে একটু অশ্রুযোগ। কেনো কুমুদ চিঠির উত্তর দেয়নি। লেখা আছে,—চাতকের জল চাওয়ার আকাঙ্ক্ষার সঙ্গে লোকে নিজের মনের আকাঙ্ক্ষার তুলনা করে। কিন্তু জানিনা চাতকের হৃদয়ের আকাঙ্ক্ষা কতো প্রবল। আমার মনে হয় আমি যে ভাবে আগনার চিঠির অপেক্ষায় আকাঙ্ক্ষিত হৃদয় নিয়ে দিন কাটাচ্ছি তা'র কাছে চাতকের আকাঙ্ক্ষা কিছুই নয়। আশা করি এবার আর শুধু নিরাশা নিয়ে দিন কাটাবো না।

চিঠি প'ড়ে কুমুদ ঠিক করলে এবার চিঠি দিতেই হবে, না দিলে অত্যন্ত অশ্রায় হবে। কিন্তু এ চিঠিতেও যে ঠিক সেই ভুল!—ঠিকানা নেই! হায় অভিমানিনী! তোমার সামান্য একটু ভুলের জন্য তুমিও হ্রাসিত আকাঙ্ক্ষায় নিরাশ হৃদয়ে দিন কাটাচ্ছো, আর আমার অবস্থাতো অবর্ণনীয়। এবার আর নয়, প্রভাতী আপিস থেকে ঠিকানা আনবে। তবে নিজে যাবার আগে একবার ভূতনাথ কি প্রবোধকে ব'লে দেখবে যদি তারা এনে দিতে পারে। কারণ সে নিজে গেলে সকলে সন্দেহ করবে। প্রভাতী আপিসে সকলেই তা'কে চেনে।

চিঠি লেখা শেষ করে ভাবতে লাগলো কি ক'রে ঠিকানার কথা পাড়বে। ব'লে ব'লে যখন কুমুদ ভাবছে এমনি সময় তা'র বন্ধুত্বয় নিজেরাই এসে উপস্থিত। কুমুদ যেনো একটু হাঁক ছেড়ে বাঁচলো এবং একটু আনন্দিতও হলো। একথা সে-কথার পর সে সব সঙ্কোচ দমন ক'রে ফট্ ক'রে ব'লে ফেললে—হ্যাঁ হে, তোমরা আমার একটু উপকার করতে পারো?

বন্ধুরা ব্যাপার বুঝতে না পেরে জিজ্ঞাসু দৃষ্টিতে তাকিয়ে রইলো।

কুমুদ একটু ইতস্ততঃ ক'রে বললে—যদি দয়া ক'রে প্রভাতী আপিস থেকে আমায় চিডসেনার ঠিকানা এনে দাও।

প্রবোধ কুমুদের কথা শুনে হেসে বললে—এর জন্তে এতো গৌর-
চন্দ্রিকা গাওয়া হচ্ছিলো কেনো ? সোজা কথায় বললেইতো চলতো ।

ভূতনাথ জোর দিয়ে বললে—আল্‌বৎ এনে দেবো । তোর
মানসীর ঠিকানা এনে দেবো না !—এতে ভগিতার অবতারণা করছিলি
কেনো ?

কুমুদ একটা মহা সমস্যার হাত হ'তে উদ্ধার পেয়ে নিশ্চিত হ'য়ে
বন্ধুদের কাছে হৃদয় উদ্ঘাটন ক'রে চিত্রসেনার সব কথা ব'লে গেলো ।
বন্ধুরা তাকে ঠিকানা এনে দেবে আশ্বাস দিয়ে চ'লে গেলো ।

তার পর দিনই ঠিকানা এসে হাজির হ'লো । কুমুদ সেই দিন
থেকে নিত্য নব নব অমুরাগে চিত্রসেনাকে পত্র দিতে লাগলো । কিন্তু
ক্রমে এও যেনো পুরোণ হ'য়ে গেলো । দেখা ক'রে মানসীর পূজা
করবার জন্তে ব্যগ্র হ'য়ে উঠলো অথচ লজ্জার খাত্তিরে নিজে দেখা
করবার প্রস্তাব করতেও কুণ্ঠা বোধ করতে লাগলো ।

মানুষের স্বভাবই এই যে, দৃষ্টি যেখানে বাধা পায়, সেইখানে তা'র
অপর পারে কি আছে দেখবার জন্তে সে ব্যগ্র হ'য়ে ওঠে । সামনের
দৃশ্য তখন আর তা'কে মোহিত করতে পারে না ।

কুমুদের অবস্থাও তাই । চিঠির ভিতর তৃপ্তি না পেয়ে চাক্ষুষ
দেখবার জন্তে ব্যাকুল হয়ে উঠলো সে ।

ভগবান যেনো কুমুদের এই আন্তরিক বাসনা কাণে শুনলেন ।
একখানি চিঠি এলো । চিঠিখানি কিন্তু পোষ্টাপিসের কর্তাদের
রূপায় নানা পোষ্টাপিস ঘুরে, ঘোরার চিরু নানা পোষ্টাপিসের ছাপ
সন্ধ্যায়ে নিষে, তিলকধারী বৈষ্ণবের মতো চারদিন পরে এসে
উপস্থিত ।

কুমুদ উৎসুক আতঙ্কে চিঠিখানি খুলে । বেশী কিছু লেখা

পথ হাতড়ে বাড়ীর দরজার কাছে পৌঁছলো। দরজার পাশের বে-ঘর থেকে আলো আসছিলো সেই ঘরে উকি মেরে দেখলে একজন চাকর একটা বঁতলার চোখা কাগজে ছাপা রামায়ণ পড়ছে। কুমুদ সাহসে ভর ক'রে তা'কে আস্তে আস্তে ডাকলে।

চাকরটা বেরিয়ে আসতেই কুমুদ তাকে কোনো কথা বলবার আগেই তা'র হাতে একটা টাকা আনন্দের আতিশয্যে গুঁজে দিলে। চাকরটা ব্যাপার বুঝতে না পেরে হতভম্ব হ'য়ে দাঁড়িয়ে রইলো। কুমুদ পরে তা'কে প্রসন্ন ক'রে জেনে নিলে, বাড়ীতে পুরুষ কেউ থাকে না, মেম সাহেব একলা থাকেন ও ইস্কুলে কাজ করেন। বাইরের লোকের সঙ্গে দেখা করার তাঁর আপত্তি নেই। এই সব খবরে আশ্বস্ত হ'য়ে মেম সাহেবকে দেখা করবার এংস্তালা পাঠিয়ে দিলে কুমুদ। বেহারা তা'কে একটা ক্ষীণ আলোকিত ঘরে বসিয়ে ভিতরে চলে গেলো।

কুমুদ বাড়ীর ভিতরের রাস্তার দিকে মুখ ক'রে বসলো। পাছে, পিছন ফিরে বসলে তা'র প্রেমসী অলক্ষ্যে এসে তাকে অপ্ৰস্তুত ক'রে দেয়। দরজায় একটা পর্দা টাঙ্গিয়ে ভিতর ও বাহিরের ব্যবধান রক্ষা করা হয়েছে।

কুমুদ প্রতীক্ষায় ব'সে ব'সে ভাবতে লাগলো, কি ব'লে কথা আরম্ভ করবে। কি ব'লে বিলম্বের জন্তে ক্ষমা প্রার্থনা করবে। ভেবে কিছুই ঠিক করতে না পেরে মানসীর রূপ বদলনায় হুঁসুড়া করতে লাগলো।—অনেক কিছু বরনা করার পর ঠিক করলে সে তব্বী, রং উজ্জল না হলেও মাজা। মাথার চুল নিশ্চয়ই এলোনো। পরণে তাঁর নিশ্চয়...। তা'র ভাবনা ভাঙ্গিয়ে গুরু পদক্ষেপ কাণে এলো। সে চমকে উঠলো। এতো তব্বীর লঘু পদক্ষেপ নয়। বিশ্বয় বাড়িয়ে

গর্বা ।

নাহি জানি লঘু কিম্বা গুরুজন আমি
আত্মীয় কি অনাত্মীয়, স্থপিত কি শ্রিয় দিব্যামী
ধরার মাঝার

অযোগ্য বা নয়নের আনন্দ তোমার
একান্ত আপন না সে সব চেয়ে পর
বুকের মাণিক কিম্বা ব্যথার নিবারণ ।

বুঝিনাকো—চাহিনাকো বুঝিতে সে কথা
আমি শুধু শ্রিয়তমে মরমের জানি এ বারতা
জীবনে মরণে

লহু যের প্রেম মোর তোমারি চরণে
স্থখে দুঃখে চিরদিন রবে অচঞ্চল
কণ্ঠের মালিকা হবে তোমারি অঞ্চল ।

আজি মোরে রাখিয়াছ প্রাণ হ'তে তব
নিমিত্ত যে দূরে ঠেলি, ভেবেছ কি নীরবে তা সব ?
লেখনী আমার

রচিবেনা ছন্দে তার তীব্র তিরস্কার ?
বেদনার নিপীড়িত তারি ওপ্ত ভাব
শান্তি তব অহরহ করিবেনা প্রাণ ?

তাহারে নিষাবে কিসে ? তুমি মোর নহ
চূপ, চূপ—হেন বাণী মুখে নাহি লহ ।

যদি না মরিয়া থাকে বৃদ্ধ ভগবান
বধির হইয়া নাহি গিয়ে থাকে ছুটি তার কান
এই পাপ কণা

পশিলে শ্রবণে তার, বিহীন মমতা
তোমারে সে দিবে যেই নিদাক্ষণ ফল
স্মরি তাহা, হৃদি মোর শিহরে কেবল ।

আমার প্রেমের শাস্ত্র মানেনা ভুবনে
কেবা নিঃস্ব, কেবা ধনী—ছোটো বড়, লঘু গুরুজনে
আমি শুধু জানি

এ অধরে ও অধর মিলাইয়ো আনি
হুইজনে রহি যদি দুজনের আশী
তুমি যদি ভালোবাসো, আমি ভালোবাসি ।

আমি যদি গুরুজন, দূরে দূরে থেকে
আমি যদি লঘু তবে নিশিদিন তফাতেই রেখে
অধর, কপোল

বাউক্ নিপাত্ত তব, করিবনা গোল
চাহিনা দরশ তবে, চাহিনা পরশ
দেখা দিবে বাড়ায়োনা আমার অষশ ।

চক্র

জীর্ণ একতলা বাড়ীর একটি কক্ষে মাতা উদ্বিগ্ন মুখে রুগ্ন পুত্রের শয্যা পার্শ্বে বসিয়াছিল। ঔষধ ও পথ্য এ বেলায় কোন রকমে চলিতে পারে, তাহার স্বামী যদি আত্মও রিক্ত হস্তে করেন, তাহা হইলে কি উপায়ে যে ঔষধ পথ্য সংগ্রহ হইবে তাহাই ভাবিয়া জননী ব্যাকুল হইয়া উঠিয়াছিল। এমন সময় দ্বারের বাহিরে পদশব্দ শুনিয়া মুখ তুলিয়া চাহিয়া সে বিস্ময়ে স্তব্ধ হইয়া গেল। কোন প্রতিবেদিনীর পদধূলি ত আজ পর্য্যন্ত তাহার গৃহে পড়ে নাই; কেনই বা পড়িবে? এই অপরিচিতাকে আহ্বান বসিয়া সম্বোধন করিতেও সে সাহস করিল না, সে শুধু সক্রম নিম্প্রসঙ্গ দৃষ্টি অপরিচিতার মুখের উপর নিবদ্ধ করিয়া নীরবে বসিয়া রহিল।

লীলা বিনা সম্ভাষণে বেশ সপ্রতিভ ভাবে কক্ষ মধ্যে প্রবেশ করিয়া শয্যার নিকটে গিয়া দাঁড়াইয়া রুগ্ন শিশুর মুখেব পানে চাহিয়া দেখিয়া জননীর দিকে ফিরিয়া বিন্দু মধুর কণ্ঠে কহিল, হ্যাঁ ভাই, এটা বুঝি তোমার ছেলে; কি অস্থ হইয়াছে ভাই?

উষার চোখ ফাটিয়া জল বাহির হইয়া আসিল, সে আর চুপ করিয়া থাকিতে পারিল না, বাস্পাকুল কণ্ঠে কহিল, হ্যাঁ দিদি, এটা আমারই ছেলে—আজ বার দিন জ্বর বেহন হ'য়ে পড়ে আছে।

লীলা মনে করিল, পুত্রের পোড়ার জন্ত আশঙ্কায় জননী এমন করিয়া কাঁদিতেছে। তাহাকে সাহুনা দিবার জন্তে সে কহিল, ভয় কি ভাই,

জর হয়েছে সেরে যাবে। বারদিন হ'য়েছে, চোদ্দ দিনের দিন জর ছেড়ে যাবে।

উষা চক্ষের জল মুছিয়া কহিল, ডাক্তার বাবুও তাই বলে' গিয়েছেন। ছেলে নিয়ে একলা বসে থাকতে আমার বড্ড ভয় করে।

লীলা সমবেদনাপূর্ণ কণ্ঠে কহিল, তা' তো করবেই ভাই, তোমার স্বামী-বুঝি আপিসে চাকরী করেন? ছুটি পান না?

উষা ইহার কি উত্তর দিবে; সে চুপ করিয়া বসিয়া রহিল।

তাহার শুক মুখের দিকে চাহিয়া লীলা বলিল, তোমার বুঝি এখনো নাওয়া খাওয়া হয়নি? ছেলে ছেড়ে কি করেই বা যাবে! আমি বসছি, তুমি নেয়ে খেয়ে এস ভাই।

উষার দুই চোখে আবার অশ্র উচ্ছসিত হইয়া উঠিল। আজ দুই দিন তাহার পেটে অন্ন পড়ে নাই, তাহার স্বামী যাহা কিছু আনিয়াছে সে সমস্তই পীড়িত পুত্রের ঔষধ ও পথ্যে ব্যয় হইয়া গিয়াছে। স্বামীকে সে কথা সে জানিতে দেয় নাই, জানিলে সে নিশ্চয়ই যে কোন উপায়ে কিছু অর্থ সংগ্রহ করিয়া আনিত। পুত্রের জন্ত সে সব করিতে পারে, কিন্তু নিজের পেটের জন্ত—না না সে কিছুতেই পারে না। শুধু জল খাইয়া সে তো বেশ আছে, কই এমন কি কষ্ট তাহার হইতেছে! এই অপরিচিতা নারীর কাছে কথাটাও সে কিছুতেই যে প্রকাশ করিয়া বলিতে পারে না। তাই প্রসঙ্গটা চাপা দিবার জন্তে তাড়াতাড়ি চোখের জল মুছিয়া সে কহিল, আমি খেয়েছি দিদি, রাত আগতে হয় কিনা, তাই এমন দেখাচ্ছে।

লীলা কথাটা অবিশ্বাস করিতে পারিল না, সে মনে করিল স্বামীকে পুত্রের কাছে বসাইয়া সে সকাল সকাল খাইয়া লইয়াছে। সে বলিল, তা' হ'লে তুমি একটু গড়িয়ে নাও ভাই, আমি খোকার কাছে

বসুঁছি ; তোমায় তো আবার রাত জাগতে হবে।

উষা নিম্পলক দৃষ্টিতে তাহার মুখের দিকে চাহিয়া রহিল। কি অদ্ভুত স্নেহময়ী এই অপরিচিতা নারী ! পরক্ষণেই তাহার মনে হইল, ইনি নিশ্চয়ই নবাগতা, তাহাদের প্রকৃত পরিচয় জানেন না ; জানিলে কখনও তিনি এ গৃহে পদার্পণ করিতেন না, তাহাদের দেখিয়া স্বণায় মুখ ফিরাইয়া লইতেন ; স্নেহের কণা মাত্র তাহার অন্তরে স্থান পাইত না। কিন্তু কি অপরাধে তাহাদের আজ এই দুর্দশা ? সে যদি সত্যই পতিতার কন্যা হয়, সে নিজে ত পতিতা নয়, তাহাকে পত্নীরূপে গ্রহণ করিয়া তাহার স্বামী ত মহানুভবতারই পরিচয় দিয়াছেন, অথচ তৎকাল তাহাদের এই নির্ধ্যাতন ভোগ করিতে হইতেছে। সমাজের এই অগ্রাঙ্গ অত্যাচারের প্রতিশোধ লইবার জন্তে তাহার স্বামী আজ অমানুষ ; লোক চক্ষে স্বণ্য। সমাজের ত কিছুই হইল না, ফলে লাঞ্ছনা ও গঞ্জনা তাহাদের চির-সাথী হইয়াছে। এখন ত' বাহিরের লোককে কোন দোষ দেওয়া যায় না।

তাহাকে চূপ করিয়া থাকিতে দেখিয়া লীলা আবার বলিল, বসে রইলে কেন ভাই, শোও ; রোগের সেবা করা আমার অভ্যাস আছে।

উষা আর আপনাকে সংবরণ করিতে পারিল না, কম্পিত কণ্ঠে কহিল, দিদি, তোমায় এ দয়া আমি জীবনে ভুলতে পারবো না, আমাদের কেউ দয়া করে না, আমাদের দিকে কেউ ফিরেও চায় না সবাই মুখ ফিরিয়ে নেয়—তুমিও তাই কর দিদি, তুমিও তাই কর। লীলা ব্যথাভরা কণ্ঠে বলিল, তোমাদের সঙ্গে পাড়ার লোকদের বুঝি ঝগড়া তাই ? আমি মাসীমাকে বলবো তিনি সব মিটিয়ে দেবেন।

উষা কি বলিতে বাইতেছিল এমনি সময় খোকা কাঁদিয়া উঠিল ; সে তাহার মুখের ওপর বুঁকিয়া পড়িয়া গভীর স্নেহে তাহার মাথায়

মধ্যে ঢুকে একেবারে চূপ হয়ে যায় ; বৌটাকে বোধ হয় খুব ভালবাসে, বৌটাও খুব সেবা যত্ন করে'। তবু মাসের মধ্যে আন্দেকদিন বৌটা খেতেই পার না ! প্রায়ই তো উম্মনে আগুন পড়ে না, কি খায় সেই জানে, অঞ্চ লোকটা এমে যখন জিজ্ঞেস করে, তখন বলে, ই্যা খেয়েছি। কিন্তু মুখ দেখলে তা' তো মনে হয় না।

উষার শুক মুখখানি লীলার চোখের সম্মুখে ভাসিয়া উঠিল। ব্যথিত কণ্ঠে সে কহিল, আজ তার মুখখানা কেমন শুকনো শুকনো দেখলাম ; নিশ্চয়ই কিছু খায়নি। আমি জিজ্ঞেস করলাম, খাওয়া হয়েছে দিদি ; বললে, ই্যা। বোধ হয় মিথ্যে কথা বললে !

মামীমা বলিলেন, উপোস করা ওর গা-সওয়া হয়ে গেছে।

উষা তাহার মামীমার দিকে ফ্যাল ফ্যাল করিয়া চাহিয়া রহিল।

পরদিন মধ্যাহ্নে মাসিমাতার অজ্ঞাতসারে লীলা আবার উষার গৃহে গিয়া উপস্থিত হইল। পরমানন্দ গৃহে ছিলনা ; উষা কল্প শিশুর পাশে শুইয়াছিল। সকাল হইতে শিশুর পেটে এক ফোটা ঔষধ পড়ে নাই ; তাহার মামী অর্ধের অন্ত বাহির হইয়াছে, হয় তো কি একটা কাণ্ড করিয়া ফিরিবে—ইহাই ভাবিয়া উষা ব্যাকুল হইয়া উঠিয়াছিল। মামীকেই বা সে কি দোষ দিবে—সে তো বাপ ; বাপ হইয়া কেমন করিয়া সে বিনা ঔষধ পথ্যে চোখের উপর পুত্রকে মরিতে দেখিবে। অর্ধতো চাই, যে উপায়েই হউক। ভগবান ! ভগবান !

এমন সময় দ্বার প্রান্তে দাঁড়াইয়া লীলা ডাকিল, দিদি !

উষা ধড়মড় করিয়া শয্যার উপর উঠিয়া বসিল। সে নিজের চোখ কানকে বিশ্বাস করিতে পারিতেছিল না ! আর তো এই নারীর কাছে তাহার প্রকৃত পরিচয় গোপন নাই, জানিয়া শুনিয়া সে আবার আসিয়াছে !

লীলা স্নিগ্ধ কণ্ঠে বলিল, কাল তুমি আমার কাছে মিথ্যে কথা বললে কেন ভাই ?

উষার বুকটা ছুঁ ছুঁ করিয়া কাঁপিয়া উঠিল, এ মেয়েটা তাহা হইলে তাহাকে তিরস্কার করিতে আসিয়াছে।

লীলা বলিল, তুমি সত্যি করে' বলতো ভাই, কাল তুমি কিছু খেয়েছিলে কিনা ? নিশ্চয়ই কিছু খাওনি, আমি তোমার অস্ত্রে খাবার নিয়ে এসেছি, তোমার না খাইয়ে আমি কিছুতেই যাচ্ছি না।

উষার সারাদেহ ধবু ধবু করিয়া কাঁপিয়া উঠিল। সে কল্পিত পদে শয্যা হইতে নামিয়া লীলার হাত চাপিয়া ধরিয়া উচ্ছ্বসিত কণ্ঠে বলিয়া উঠিল, দিদি, সত্যি খাইনি, কাল কেন আজ তিন দিন খাইনি ; তুমি বল না দিদি সকাল থেকে যার রুগ্ন সন্তানের পেটে এক ফোটা ওষুধ পড়েনি, তার গলা দিয়ে কিছু গলে ?

লীলার দুই চোখ দিয়া জল ঝরিয়া পড়িতে লাগিল। সে ধীরে ধীরে আঁচল হইতে একখানি দশটাকার নোট খুলিয়া লইয়া উষার হাতে দিয়া বলিল, খোকার ওষুধ আনতে দাও দিদি।

নিষ্পলক দৃষ্টিতে উষা ক্ষণকাল সেই নোটখানার দিকে চাহিয়া রহিল, তারপর সহসা ভূমিতলে বসিয়া পড়িয়া দুই হাতে লীলার পা জড়াইয়া ধরিল।

লীলা শশব্যস্তে পা সরাইয়া লইয়া বলিয়া উঠিল, এ কি তোমার অশ্রুয় ভাই, তুমি আমার পায়ে হাত দাও ; আমি আর এখানে থাকব না। এই বলিয়া সে কক্ষত্যাগ করিয়া চলিয়া গেল। উষা মেঝের উপর উপুড় হইয়া পড়িল, তাহার চোখের জলে বন্ধ প্রাবিত হইয়া গেল।

সেদিন লীলা র মাতুল-গৃহে এক অপ্রত্যাশিত ঘটনা ঘটিল। তখন

সবে মাত্র সন্ধ্যা উত্তীর্ণ হইয়াছে, ঘরে ঘরে দীপ জলিয়া উঠিয়াছে। লীলার মাতুল বিপিনবাবু বাহিরের ঘরে বসিয়া বিশ্রাম করিতেছেন, এমন সময় “আমার মা কই, আমার মা কই?” বলিতে বলিতে মস্তাবহায় পরমানন্দ কক্ষে প্রবেশ করিল। ইতি পূর্বে কোন প্রতিবেশীর বাড়ীতে কি সুস্থ কি মস্ত কোন অবস্থাতেই সে প্রবেশ করে নাই। তাই বিপিন বাবু হঠাৎ তাহাকে দেখিয়া যুগপৎ বিস্মিত, চমকিত ও ভীত হইয়া উঠিলেন।

পরমানন্দ সোজা হইয়া দাঁড়াইতে পারিতেছিল না, সে কোন রকমে দুই এক পা অগ্রসর হইয়া একখানি চেয়ার ধরিয়া দাঁড়াইল, তারপর বিপিন বাবুর দিকে বিভ্রান্ত দৃষ্টিতে চাহিয়া বলিল, বড়বাবু নমস্কার, আমার মা কই, মাকে আমি দেখতে এসেছি, পায়ের ধুলো নিতে এসেছি, পায়ের ধুলো—

বিপিনবাবু কক্ষকণ্ঠে বলিয়া উঠিলেন, মাতলামীর আর জায়গা পাওনি, যাও এখান থেকে। পরমানন্দ বলিল, মাতাল হয়েছি তা তো দেখতে পাচ্ছেন বড়বাবু, কিন্তু মাতলামী করি নি, মাকে দেখতে এসেছি বড়বাবু, পায়ের ধুলো নিতে এসেছি—পায়ের ধুলো ; মাতলামী করি নি।

বিপিনবাবু অত্যন্ত ক্রুদ্ধ কণ্ঠে বলিয়া উঠিলেন, বেরিয়ে যা বেটা মাতাল কোথাকার, এতদিন রাস্তায় গোলমাল করুতিস্ কিছু বলিনি বলে একেবারে বাড়ী চড়াও হয়েছ—বেরিয়ে যা বলছি এখন, না হলে পুলিশে দেব।

পরমানন্দ আর কোন কথা না বলিয়া সহসা কম্পিত পদে বিপিন বাবুর দিকে অগ্রসর হইল। খান দুই চেয়ার বাধাধরূপ তাহার পথের মাঝখানে দাঁড়াইয়াছিল, সেগুলি ঠেলিয়া মেঝের উপর ফেলিয়া

টানিতে রাস্তায় বাহির করিয়া দিল।

এই ঘটনার দিন দুই পরে লীলা পিতৃগৃহে চলিয়া গেল। তারপর তিনমাস অতিবাহিত হইয়া গিয়াছে। উষার পুত্র কোন রকমে বাঁচিয়া উঠিয়াছে, কিন্তু তাহার শরীর অত্যন্ত দুর্বল। ডাক্তার বায়ু-পরিবর্তনের পরামর্শ দিয়াছেন। এখানে থাকিলে ব্যাধির পুনরাক্রমণের বিশেষ সম্ভাবনা, পূর্ব হইতেই সতর্কতা অবলম্বন আবশ্যিক। পরমানন্দ এখন আর প্রত্যহ মদ খায় না, যদি বা দুই একদিন খায়—মাত্লামী করে না। পুত্রকে কোন স্বাস্থ্যকর স্থানে লইয়া যাইতে হইলে বে টাকার প্রয়োজন সেই টাকার সন্ধানে সে ফিরিতে লাগিল। সেই কয়টা টাকা পাওয়াই তাহার একমাত্র কামনার বস্তু হইয়া দাঁড়াইল। এমন সময় একদিন আনন্দ-উদ্বেলিত অন্তরে গৃহে ফিরিয়া পরমানন্দ উষাকে বলিল, আর ভাবনা নেই, আজ রাত্রেই দু'শ টাকা পাব, আর দেবী ৫'র না, কালই বেরিয়ে পড়ব।

উষা শঙ্কিত হইয়া বলিল, অত টাকা.....বাধা দিয়া পরমানন্দ বলিল, ভয় নেই উষা, ভগবান মিলিয়ে দিচ্ছে, চুরী করতে হবে না। তবুও উষার মনটা হালকা হইল না, সে বলিল, আমি সে কথা বলিনি, কোথায় টাকা পাচ্ছ তাই জানতে চাইছিলাম।

পরমানন্দ বলিল, সে এক দাঁও জুটে গেছে; এক জনের বাড়ী গিয়ে রাত্রে একবোতল মদ কিনে আনতে হবে...বাস্! অমনিই দু'শ টাকা হাতে এসে যাবে। বলে দিয়েছি, আগাম একশ টাকা না দিলে কাজে হাত দিচ্ছি না।

ব্যাপারটা উষা ঠিক বুঝিতে না পারিলেও সে আর কোন প্রশ্ন করিল না। তখন বিশ্ববিদ্যালয়ের ডিগ্রীধারীদের উপর মদ, আফিং

যথাসময়ে পরমানন্দ প্রাণ ভরিয়া মদ খাইয়া দ্রব্যাদি লইয়া প্রস্তুত হইয়া বৃন্দাবনের সম্মুখে হাত পাতিয়া বলিল, টাকাটা দাও বাবা। বিনাবাক্যব্যয়ে বৃন্দাবন দশখানি নোট গুনিয়া তাহার হাতে দিল। পরমানন্দ একশ টাকা পকেটে রাখিয়া মহোলাসে নিরঞ্জনের গৃহাভিমুখে অগ্রসর হইল। কথা রহিল, কাজ শেষ করিয়া আসিতেই বাকী একশ টাকা তখনই তাহাকে দেওয়া হইবে। পরমানন্দের আহ্লাদ আজ দেখে কে! কালই সে সঙ্গ রোগ-গুক্ত পুত্রকে লইয়া বৈষ্ণনাথ ষাত্রা করিবে।

নিরঞ্জনের গৃহদ্বারে আসিয়া বার দুই ডাকিতেই নিরঞ্জন আসিয়া বাহিরের ঘরের দ্বার খুলিয়া দিল। পরমানন্দ সোজা তাহার ঘরের মধ্যে প্রবেশ করিয়া বলিল, দড়জাটা গিগ্গীর বন্ধ করে দিন মশাই। বিস্মিত নিরঞ্জন তাহার কথাশ্রবণী দ্বার রুদ্ধ করিয়া তাহার নিকটে আসিয়া দাঁড়াইল।

পরমানন্দ ততক্ষণে পুঁটলীটি তক্তাপোষের নীচে রাখিয়া দিয়াছে এবং টাকা ছয়টি বাহির করিয়া সব তক্তাপোষের উপর রাখিবার উপক্রম করিয়াছে, এমন সময় “বাবা এতরাত্রে কে ডাকছিল?” বলিয়া একটা যুবতী সেই কক্ষমধ্যে আসিয়া দাঁড়াইল। সঙ্গে সঙ্গে পরমানন্দের সহিত তাহার চোখাচোখি হইয়া গেল।

পরমানন্দ বিস্ময়-বিস্ফারিত চৃষ্টিতে রুণকাল যুবতীর মুখের দিকে চাহিয়া থাকিয়া বলিয়া উঠিল, আমার মা যে, তুমি এখানে? লীলাও পরমানন্দকে চিনিল, বলিল, এই তো আমাদের বাড়ী, আর এই আমার বাবা, খোকা ভাল আছে?

পরমানন্দ আতঙ্কে বলিয়া উঠিল, কি বললে মা, নিরঞ্জন তোমার বাবা। মা! মা! বলিতে বলিতে হাতের টাকা কয়টা ঝনাং করিয়া

পকেটে ফেলিয়া, পুঁটলটি তক্তাপোষের নীচ হইতে টানিয়া বাহির করিয়া হাতে ঝলাইয়া পরমানন্দ ছুটিয়া কক্ষ হইতে বাহির হইয়া গেল।

তাহাকে দেখিয়া বৃন্দাবনের দল জয়োল্লাসে সেইদিকে অগ্রসর হইয়া আসিল। রক্তবর্ণ চোখে তাহাদের দিকে একবার চাহিয়া পরমানন্দ পুঁটলটি ও কাগজে মোড়া বোতলটা রাস্তার উপর ছুঁড়িয়া ফেলিয়া দিল, তারপর পকেট হইতে সেই ছয়টি টাকা ও নোটের তাড়াটি টানিয়া বাহির করিয়া হতবুদ্ধি বৃন্দাবনের দেহের উপর ছুঁড়িয়া মারিয়া পাগলের মত রাস্তার উপর দিয়া ছুটিয়া চলিল।

শ্রীফণীন্দ্রনাথ পাল।

বহুত বহুত কাজ রয়েছে মানুষ হবার দিকে,
 জাগো বন্ধু ঠিক ক'রে নাও সৌখীন প্রাণটিকে !
 রোদ্র আছে ঝঞ্জা আছে আছে বিপ্লবাবাধা ;
 এই জীবনের পথের পরে মনটি রাখো সাদা !
 বীরের মত চলো, চলো খাঁটি প্রাণের জোরে !
 আজকে কবি গাইবে নাক' মিষ্টি ক'রে ক'রে ।
 এমনি ক'রে খুলে দিবে অনেকগুলি আঁধি
 যেদিন আমার সামনে চলা থাকবেনা আর বাকি,
 সেদিন যদি এসো কাছে আজ এসেছ যারা,
 সব অসুরোধ রাখবো সেদিন, কাজ হবে যে সারা !
 শাবার বেলায় সেদিন আমি ঘুমিয়ে পড়ার ঘোরে
 শেষ মিনতি রাখব তোমার, গাইব মিষ্টি ক'রে ।

শ্রীপ্রভাতকিরণ বন্দু ।

আমরা কাজের লোক—জ্যোৎস্না পান করে আর কবিতা লিখে তোমাদের মত আমাদের দিন চলে না।”

জামার পকেটের ভিতর হাত পুরে সমীরণ কি যেন অন্বেষণ করতে লাগল। কিংগুক মুহূ হেসে টেবিলে রাখা কলিং বেল্টা টিপলে, সঙ্গে সঙ্গে “বয়” এসে দাঁড়াল। আর এক পিয়াল চায়ের হুকুম করে কিংগুক সমীরণের দিকে তাকাতেই সে একখানা ফিকে গোলাপী রংয়ের কার্ড বার করে’ কিংগুকের হাতে দিলে।

সেখানি “At home” এর অন্তর্ধান-পত্র। কিংগুক কার্ডখানি পড়ে সমীরণের দিকে তাকিয়ে বললে, “দেখ বন্ধু তোমার Tea, Music, Social এ আজ পর্যন্ত কোন দিনই যোগদান করবার সৌভাগ্য হ’ল না, অথচ আমাকে invite করতে তুমি কোন বারই ভোলোনা দেখছি।”

“বয়” চা দিয়ে গেল। চা পান করতে করতে সমীরণ গভীর গলায় বললে, “একদিন হয়ত সে সৌভাগ্য হ’তে পারে।” ঘড়ীতে ৯টা বাজলো। সমীরণ উঠে দাঁড়িয়ে বললে, “চলুনু ভাই, আরও অনেক-গুলো জায়গা ঘুরতে হ’বে। তোমাকে জোর করে’ আমাদের Meeting এ যোগদান করাবার শক্তি আমার নেই, তবু বলছি স্তবধে হয়ত’ যেও।”

ধীরে সে পর্দা তুলে অদৃশ্য হয়ে গেল। মুহূস্বরে একটা গান গাইতে গাইতে কিংগুক লাইব্রেরীতে গিয়ে ঢুকল—

সকল গগন বসুন্ধরা
বন্ধুতে মোর আছে ভরা
সেই কথাটি দেবে ধরা জীবনে,—
আমার গভীর জীবনে ॥

নিরে আনছে। পদ্মিনী অশোকায় সতীর্থা। খুব ভাল গাইতে পারে বলে'
তার নাম আছে। সকলের অহুরোধে উঠে অর্গান বাজিয়ে সে গান
ধরলে—

তোমার ভুবন মর্মে আমার লাগে

তোমার আকাশ অসীম কমল

অন্তরে মোর জাগে।

এই সবুজ এই নীলের পরশ

সকল দেহ করে' সরস,

রক্ত আমার রঙিয়ে আছে

তব অরুণ রাগে।

সকলেরই মন সুরের সুধায় ভরে' উঠেছিল। বাহু জগতের কথা
কারো মনে ছিলনা। গুঞ্জন ধ্বনি ধেমে গিছিল। সহসা সেই নিস্তরতার
মাঝে এসে দাঁড়াল এক তরুণ যুবক।

যুবকের গাত্রবর্ণ অতি গৌর। লম্বায় সে প্রায় ছফিট। সুন্দর মুখখানি
ধিরে সুদীর্ঘ কালোচুল বাতাসে উড়ছিল। অসাধারণ দীপ্তিময় তার
চোখ দু'টি। তাকে দেখে সকলের মধ্যে মৃদু গুঞ্জন ধ্বনি উঠল 'কিংগুক'
'কিংগুক'। পদ্মিনী গান ধামিয়ে বিস্মিত নেত্রে আগন্তকের মুখের দিকে
তাকালো। সকলেরই দৃষ্টি কিংগুকের দিকে নিবদ্ধ হ'ল। সমীরণ
সকলের সঙ্গে কিংগুকের পরিচয় করে দিলে। কিংগুক সমীরণ অসুস্থিত
উৎসবে এর আগে কখনও যোগদান করে নি। লোকের সঙ্গে মেলা-
মেশা করিতে তার ভাল লাগতো না। আপনার সাহিত্য-চর্চা নিয়েই সে
দিনরাত যাতাল হ'য়ে থাকে। সুতরাং তার কবিতা পাঠ করবার
সৌভাগ্য অনেকের হ'লেও তাকে দেখবার সৌভাগ্য অতি অল্পজনেরই
ভাগ্যে ঘটেছে। কিংগুককে এখানে দেখবার আশা কেউ করে নি—

সমীরণও না—কারণ সে ভেবেছিল, প্রতিবারের মত এবারেও কিংশুক অনুপস্থিত থাকবে।

সকলের সঙ্গে পরিচিত হ'য়ে আসন গ্রহণান্তর পদ্মিনীর দিকে চেয়ে কিংশুক বললে, মাপ কর্বেন, আপনাকে বাধা দিলুম। আপনি আবার আরম্ভ করুন।

সলজ্জহাস্তে পদ্মিনীর নব তূণের মত শ্যামল মুখখানি ভরে উঠল। তরুণ কবির অনুরোধ সে প্রত্যাখ্যান করলে না, আবার ধীরে গাইতে সুরু করলে—

আলো যে গান করে মোর প্রাণে গো
কে এল মোর অঙ্গনে, কে জানে গো।
মোর হৃদয়ের সুগন্ধ যে
বাহির হ'ল কাহার খোঁজে।
সকল জীবন চাহে কাহার পানে গো

বেশ রাত্রি হয়েছিল। গান থামলে পর সমীরণ সকলকে খেতে আহ্বান করলে। খেতে খেতে আলোচনা চলতে লাগলো।

কিংশুক যে টেবিলে বসে খাচ্ছিল সে টেবিলের আর দু'টি চেয়ারের একটা অধিকার করেছিল পদ্মিনী, অপরটি সমীরণের ভগ্নী অশোকা। পদ্মিনীর দিকে চেয়ে কিংশুক বললে, আপনার গান আমার খুব ভাল লাগলো।”

সলজ্জ হাস্যে পদ্মিনী মুখ নামালো। কিংশুকের ঠিক পাশের টেবিলেই বসে সমীরণ খাচ্ছিল। সে বললে, আপনি জানেন না মিস্ মিত্র, কিংশুক খুব ভাল গায়।—

—তাই নাকি ? এতক্ষণ বলেননি তো আপনি ? এক্ষুনিই কিন্তু শোনাতে হবে আপনাকে।

—দ্বারী—

চন্ডিকাগণ

দ্বারী

মন্ডার

শিখা

ব্যাধ

বাউল

বালক

কৃত্ত

নাগরিকগণ

রাজসৈনিকগণ

আশাপথবাহীগণ

ভূত, প্রেতগণ

[বিশাল সোণার মন্দিরের রূপায় দ্বার কৃত্ত । দ্বারে বৃহৎ
তরোয়াল হাতে আপদমস্তক কালো পোষাক পরিয়া দ্বারী
দাঁড়াইয়া আছে ।]

(নীল পোষাক পরিয়া মন্দিরের প্রবেশ ।)

দ্বারী । কে বার !

মন্ডার । আমি মন্ডার !

দ্বারী । কি চাই তোমার ?

মন্দার । তুমি মন্দিরের দ্বার খোল, ভিতরে বাই ।

দ্বারী । কি সর্বনাশ, মন্দিরের দ্বার খুলব' কি ?

মন্দার । হ্যা, তোমায় খুলতেই হবে ।

দ্বারী । সে হবে না, আমাদের রাজার হুকুম নেই ।

মন্দার । আমি তোমাদের রাজাকে জানি না, আমি ভিন্ন রাজার দেশ থেকে এসেছি ।

দ্বারী । আমাদের রাজার নিয়ম ভাঙলে সারা জীবন বন্দী হয়ে থাকতে হবে । মন্দিরের দ্বারে হাত দিলে এই তরোয়াল দিয়ে তোমার মাথা কেটে ফেলব' । দ্বারের আশেপাশে কি আছে দেখতে পাচ্ছ ?

মন্দার । হ্যা !

দ্বারী । কি বল দিকিন ?

মন্দার । মড়ার হাড় আর মড়ার মাথা !

দ্বারী । এসব তাদেরই হাড় যারা দুঃসাহস ক'রেছিল মন্দিরের দ্বার খুলতে, ওদের কেউ বা তরোয়ালে মাথা দিয়ে ম'রেছে, কেউ বা মন্দিরের দ্বারে মাথা ঠুকে ম'রেছে, আর কেউ বা বন্দী হ'য়ে না খেতে পেয়ে ম'রেছে । সাবধান হ'য়ে থেকে বালক ! মন্দিরের দ্বার খুলবার বুকের পাটা ক'রো না ।

মন্দার । তোমরা মন্দিরের দ্বার খোল না কেন ?

দ্বারী । এই আমাদের নিয়ম !

মন্দার । এমন নিয়ম করেছ কেন ?

দ্বারী । তা জানি না ।

মন্দার । সে কি ?

দ্বারী । হ্যা, আমাদের রক্ষকদের জন্য থেকেই এ নিয়ম চ'লে আসছে ।

মন্দার । তোমাদের রাজত্ব কতদিন কার ?

হারী । সে অনেকদিনকার, কবেকার তা আমাদের মনে নেই, এর কথা আমরা চিরকাল শুনে আসছি ।

মন্দার । তুমি এখানে কতদিন আছ ?

হারী । সারা জীবন ধ'রেই ।

মন্দার । তোমার আগে এখানে কে ছিল ?

হারী । আমার বাবা ।

মন্দার । তার আগে ?

হারী । আমার বাবার বাবা ।

মন্দার । তার আগে ?

হারী । তার বাবা । এমনি ক'রেইত' আমরা চিরদিন পুরুষাঙ্ক-ক্রমে মন্দিরের দ্বার রক্ষা করে আসছি—এই আমাদের নিয়ম, এই আমাদের জীবন । যারা এই মন্দিরের দ্বার খুলতে আসে তাদের কোন ক্রমেই আমরা ক্ষমা করি না । আমরা কেবল আমাদের নিয়ম পালন করি, আমাদের রাজা সেই নিয়ম রক্ষা করেন !

মন্দার । এ অর্থহীন নিয়মে তোমাদের মনে কোন সন্দেহ হয় না ?

হারী । এই নিয়মটিকে বাঁচিয়ে রাখবার ঠোঁকেই ত আমাদের প্রাণ ভ'রে আছে । আমাদের এ পুরাতন নিয়ম কেউ ভাঙতে এলেই আমরা চঞ্চল হ'রে উঠি ।

মন্দার । আমাদের দেশে এ সবের কোন বাগাই নেই ।

হারী । যাও, আর বেশী কথা কয়ো না, আমি আমার কাজে মন দিই ।

[হারী স্থির হইয়া তরোয়াল কাঁধে মন্দিরের দ্বার রক্ষা করিতে লাগিল এবং মন্দার সম্মুখে বট গাছের তলায় দাঁড়াইয়া রহিল ।]

(সবুজ গোবাক পরিয়া তীর ধলুক হাতে ব্যাধের প্রবেশ ।)

মন্দার । তুমি কে ?

ব্যাধ । আমি ব্যাধ !

মন্দার । কোথায় যাচ্ছ ?

ব্যাধ । তীর ধলুক হাতে বাঘ শিকার ক'রতে যাচ্ছি ।

মন্দার । মন্দিরের দ্বার খুলতে যাবে না ?

ব্যাধ । না ।

মন্দার । কেন ?

ব্যাধ । সে সাহস নেই ।

মন্দার । তুমি এমন বীরপুরুষ হ'রে একথা বলছ ?

ব্যাধ । তা কি ক'রুব' বল ! আমাদের নিরম-মন্দিরের দ্বার চিরকাল বন্ধ হ'রে থাকবে । শুধু গায়ের জোরে তাকে কেউ কোনদিন খুলতে পারবে না । আমাদের কেবল গায়ের জোরই আছে ।

মন্দার । তবে কিসে খুলবে ?

ব্যাধ । তা জানি না, আমরা ও নিরে মাথা ঘামাই না ।

[ব্যাধের প্রস্থান ও অন্তর্দিক হইতে হৃদে গোবাক পরিয়া একতারা বাজাইতে বাজাইতে বাউলের প্রবেশ ।

মন্দার । তুমি কে ?

বাউল । আমি বাউল ।

মন্দার । তুমি কি কর ?

বাউল । আমি এই একতারা নিরে আগন মনে গান গেয়ে বাই ।

মন্দার । আমরা উদাসী, আমরা কোথাও বন্ধ থাকি না ।

মন্দার । মন্দিরের দ্বার খোলবার গান তুমি গাওনা কেন ?

শিখা । এ ত্রিশূল, এতে আগুন জলে, সব বাধন গুড়ে ছাই হ'য়ে যায়, এই নাও তুমি ত্রিশূল !

মন্দার । তুমি ত' আমার সব দিয়ে দিলে, তোমার তবে কি রইল ?

শিখা । কেন, তুমিতো আমার রইলে !

মন্দার । এখন তবে আমরা কি করব ?

শিখা । এই ত্রিশূলের ঘা মেয়ে আমরা মন্দির পুড়িয়ে দোব, তুমি কি জান না ও মন্দির একবারে ভূয়ো, ওরা মিথ্যা ক'রে ওকে আঁকড়ে ধরে আছে, শুধু আমাদের ভবিষ্যতের প্রাণের ধারাকে বাধা দিচ্ছে!

মন্দার । আমিও ত' মন্দির ভাঙতে এসেছি ।

শিখা । সেই জন্যই ত' আমাদের মিলন হ'ল ।

মন্দার । কিন্তু কেমন ক'রে ওখানে যাবে ? ঘরী যে বলেছে ওখানে গেলে আমাদের মেয়ে ফেলবে ?

শিখা । তবে তুমি আমার ভালবাসলে কি করতে ? ঘরী ভালবাসে তারা মরে না, এ ত্রিশূল তাদের হাতে দাউ দাউ ক'রে জ'লে উঠে—এর কাছে তুচ্ছ ঐ মন্দির ! যে জানে ভালবাসতে সে ত সারা পৃথিবীর বুকে আগুন জলিয়ে দেয়, তাতে সব মিথ্যা গুড়ে ছাই হ'য়ে যায় ।

উভয়ের গীত ।

ভাঙ্ ভাঙ্ ভাঙ্

ওরে গর্জন গান !

কল্প-বিধান বাজে সন্ সন্

ভাওব ঐ তান !

আয় আয় সব ছুটে
 প্রাণধন নে রে লুটে,
 প্রাণের সাড়ায় প্রাণ পাবি সবে
 প্রাণ কর আজি দান !
 এই ভাগনের গান !

[কোলাহল করিতে করিতে সাদা পোষাক পরিয়া
 নাগরিকগণের প্রবেশ ।]

নাগরিকগণ । হ্যাঁ রাঁ রাঁ রাঁ, ভাঙ্গ, ভাঙ্গ, মন্দির ভাঙ্গ, মন্দির
 ভাঙ্গ—

[অন্তর্দিক হইতে কালপোষাক পরিয়া
 রাজসৈনিকগণের ক্ষতপদে প্রবেশ ।]

রাজসৈনিকগণ । সাবধান ! সাবধান !

[উভয় পক্ষের যুদ্ধ এবং কতিপয় নাগরিক ও রাজসৈনিকগণের
 পতন ও মৃত্যু ও বাকী সকলের যুদ্ধ করিতে করিতে প্রস্থান ।]

ঘারী । মন্দিরের দ্বারের কাছে যে আসবে তার মৃত্যু !

[তরবারি ঘুরাইতে লাগিল ।]

শিখা । চল আমরা একপাশে দাঁড়াই গে ।

মন্ডার । কেন ?

শিখা । ; এখনও আমাদের সময় হয় নি । যখন ওদের চারিদিকে
 আঁধার ঘনিয়ে আসবে আর আকাশে কালো মেঘের বুকে চক্‌মক
 ক'রে বিজলী চম্কে উঠবে, তখন এই ত্রিশূল জল্ জল্ করে জলবে ।

[ঘোরতর কৃষ্ণবর্ণ দেহ ভূত-প্রেতগণের সহিত শুভদেহ রক্তের
তাণ্ডব নৃত্য করিতে করিতে ও গাহিতে গাহিতে প্রবেশ ।]

গীত

তা তা থেই থেই থেই
ভেদে চল, ভেদে চল,
হা হা হা হা হা;
ত্রিশূল জল, ত্রিশূল জল !
কড় কড় কড় বাজ
ভেদে পড়ুক আজ,
রক্ত আশ্রয় জলুক ঘিণ
জলুক ধরাতল,
হা হা হা, জলুক ধরাতল !

[প্রস্থান ।]

[ঘোর অঙ্ককার ও ঘন ঘন বজ্রপতন ।]

শিখা । এইবার আমাদের সময় হ'য়েছে, ত্রিশূল জ'লে উঠেছে !

ষারী । ওঃ আজ কি দুর্ভোগ, আমাদের মন্দির কাঁপছে !

শিখা । মন্দার !

মন্দারী । শিখা !

শিখা । এইবার !

উভয়ে । (উচ্চৈঃস্বরে) অয় ত্রিশূলের অয় !

[উভয়ে ক্ষতপদে মন্দিরে ত্রিশূলের আঘাত করিল এবং মন্দির
জলিয়া উঠিল ।]

ষারীঃ কে, কে, কে, সর্বনাশ হ'ল, সর্বনাশ হ'ল. আমাদের
মন্দির গেল, গেল, গেল— [মন্দিরের ধারে লম্বা হইয়া পড়িয়া গেল ।]

[কোলাহল করিতে করিতে কাল পোষাক

পরিয়া রাজসৈনিকগণের প্রবেশ ।]

রাজসৈনিকগণ । রক্ষা কর, রক্ষা কর, মন্দির রক্ষা কর, রাজা
মশাইকে খবর দাও, রাজা মশাইকে খবর দাও, দারী, দারী—

[মন্দিরের সম্মুখে একে একে পতন ও মৃত্যু ।]

মন্দার । শিখা ! আমার গা জলে গেল ! কি আগুন !

শিখা । আমিও জলছি, মন্দিরও জলবে, আমরাও জলব ।
আগুনের সোঁ সোঁ শব্দের ভিতর নব জীবনের সঙ্গীত শুন্তে পাচ্ছ ?

মন্দার । হ্যা, কি মধুর ! আঃ-! (পতন)

শিখা । মন্দার ! মন্দার ! নূতন সৃষ্টি, নূ—ত—ন—সৃ—ষ্টি !

(পতন)

[উভয়ের মৃত্যু ।]

(পট পরিবর্তন ।)

[শব্দ, চক্র, গদা, পদ্য হাতে নানারঙের পোষাক পরিয়া আশাপথ
বাহীগণের গাহিতে গাহিতে প্রবেশ ।

গীত

নাচে জীবন রে, নাচে জীবন রে !

কতু রক্তরূপে, কতু মধুর রে,

কতু ছন্দ বাজে, কতু রূপ মাজে,

কত নর্তন মর্তন তর্জন রে !

—চিত্রকর—

সতীশ ছবি আঁকে, আর্টস্কুলের ভূতপূর্ব এক কৃতী ছাত্র। আঁকতে পারে ভালো, বয়স চব্বিশ পঁচিশ হ'তে না হ'তেই যথেষ্ট নাম হয়েছে ; অনেক সম্পাদক সতীশের ষ্টুডিওতে যাতায়াত করে থাকেন, কেউ চান প্রচ্ছদপট আঁকাতে, কেউ চান ভিতরের রঙীন্ ছবি, কেউ চান ব্যাগারে কাজ মিনি গয়সায় আর কারো বা ইচ্ছা সস্তায় কিস্তিমাং করা। কিন্তু থাকে নিয়ে এত কাণ্ড সে লোকটা এই সব খরিদারকে নিয়ে কিছুমাত্র মাথা ঘামায় না ! সে হচ্ছে কিছু খামখেয়ালী গোছের লোক এবং নিজের ঘরে বসে এঁকে যায় চিত্রের পর চিত্র কত বিচিত্রভাবে, কত রঙের খেলা খেলে যায় ক্যান্বিসের উপর তার নিপুণ তুলির স্পর্শে। সতীশ সাধারণের কাছে তার ষ্টুডিওর পরিচয় দেয় কারখানা বলে। এই কারখানা নামে অভিহিত চিত্রশালাটি অবস্থিত হচ্ছে একটা সরু গলির মধ্যে একটা ভাঙা গোছের বাড়ীর ওপরের ঘরে। ভাঙা পোড়ো বাড়ী ! কেউ স্বপ্নেও ভাবতে পারে না যে তার মধ্যে এত ঐশ্বর্য লুকানো আছে সকল লোকের চোখের আড়ালে। সহরের লোক তার ঘরে ঢুকলে মনে করে এ কোন স্বপ্ন-পুরীর মধ্যে এসে পড়লুম।

এই স্বপ্ন-পুরীর মালিক সতীশের বাপ-মা ছিল না, ছেলেবেলা থেকেই মামার বাড়ীতে মাতুষ সে। দখন স্কুলে যেত তার অ,আ চিন্তে লেগেছিল বড্ড বেশী সময়, কিন্তু বইয়ের দু'তিন পাতা পড়া হতে না হতেই দেখা যেত বইয়ের সব ক'খানা পাতা পেল্লিল এবং কালীতে

আঁকা নানারকম কুকুর বেড়ালছানা এবং ফলেফলে ভর্তি হয়ে উঠেছে। অবশেষে যখন দেখা গেল যে অনেক চেষ্টার পর পড়াশুনা একরকম এগুতেই চায় না এদিকে আকড়িঝুকড়ি আঁকার দিক দিয়ে হাত একে-বারে পেকে উঠছে তখন মামারা তাকে আর্টস্কুলে পাঠিয়ে দিলেন। এই হ'ল তার বাল্যের ইতিহাস।

এখন সতীশ তন্ময় হ'লে থাকে তার ছবির ধ্যানে; অন্য কোনো জিনিষ তার মাথায় ঢোকে না এবং সেও বাইরের কোনো জিনিষ নিজের মাথায় ঢোকাবার প্রয়োজন বোধ করে না।

(২)

সতীশকে তার যে কটি আপনার লোক ছিল সবাই ধরে পড়লো বিয়ে করতে হবে। সতীশ নিজের আপত্তি জানালে—তার জীবনের কোনো কিছু স্থিরতা নেই, সে একজন নতুন লোককে অনর্থক তার ইচ্ছার বিরুদ্ধে সংগারে ঢুকিয়ে কষ্ট দিতে পারবে না ইত্যাদি বলে। কিন্তু পীড়াপীড়ি করে তার অনেক করুণা নষ্ট করে এবং বহুবার শাস্তি ভোগ করে সতীশকে রাজী করানো হ'ল। তাকে জানানো হ'ল বাঙালীর ঘরের ছোট খুকীরা ভারী শাস্ত মেয়ে হ'র এবং একটি ছোট মেয়েকে তার গলায় ঝুলিয়ে দেওয়া হ'ল।

প্রথম প্রথম সতীশের বিয়ে হ'ল কিন্তু ঐ পর্যন্ত, সে এইখানেই তার ছোট পত্নী কমলার প্রতি সব কর্তব্য শেষ হয়েছে মনে ক'রে আবার ছবির রাজ্যে ফিরে গেল। আর কমলাও নিজেকে পুতুল খেলার মধ্যে নিমগ্ন ক'রে দিলে। এমনি ভাবে দিন যেতে যেতে একদিন সতীশের মনে হ'ল তার দিনগুলো বড় একঘেয়ে হয়ে চলেছে, খানিকটা ঠৈচিত্র্য দরকার, জীকে নিয়ে, জীর সঙ্গলাভ ক'রে নিজের ক্লান্তি দূর করবার চেষ্টা করলে কিন্তু বালিকা জী তার নবোদগত

কাঠির পরশ দিয়ে ঘুম ভাঙিয়ে দিলে। আর কমলার কি এই দিনের পর দিন প্রতীক্ষা করে থাকা বুখাই হবে! এমনই সব কত কথা মনে আসে রাতে শুয়ে শুয়ে। কখনো মনে পড়ে ছেলেবেলার সঙ্গিনীদের কথা, তাদের সকলেরই এগন বিয়ে হয়ে গেছে। এক সময়ে দূরপল্লীতে কজন মিলে খেলা হত এউ পউ, পুতুলের বিয়ে—যেন সব সত্যিকারের ঘরকন্না। তারপর সে খেলাঘর ভেঙে গেল যখন একে একে সকলের বিয়ে হ'য়ে গেল এবং খেলাঘরের বদলে জীবন্ত সংসার গড়ে উঠলো সব দূরে দূরে। আর কারো সঙ্গে কারো বিশেষ দেখা হয় না। কিন্তু তার—তার এরকম হ'ল না। শুধুই পথ চেয়ে থাকা, শুধু উপাধান চোপের জলে ভেজানো রাতের পর রাত। মাঝে মাঝে এখানে ওখানে লোক মুখে বা মাসিক পত্রের পাতায় সন্তীশের ছবি বা তার ছবির প্রশংসার গর্কে কমলার বুকখানা ভরে ওঠে। কিন্তু পরমুহূর্তেই মনে পড়ে যায় এতে তার গর্কের কি আছে। সন্তীশ কে তার? কেউ নয় তো! কোন এক ভুলে-বাওয়া দিনে, সে কথা আজ মনে পড়ে কি না পড়ে, অনেক বাশী আলো, আশা আনন্দের মধ্যে তাদের বিয়ে হয়েছিল, কিন্তু তার পর থেকে এ লোকটির অস্তিত্ব মনে করবার আর কারণ ঘটেছে কি? শুধু দূরগত খারাপ খারাপ খবর পেয়ে মনটা খালি বাখাতেই ভরে উঠেছে। আচ্ছা তার জীবনটা এই স্বামী ব'লে লোকটার সম্পর্ক থেকে, স্মৃতি থেকে কি একেবারে বিমুক্ত, বিচ্ছিন্ন করে নিয়ে শুধু তার নিজেকে নিয়ে গড়ে তোলা যায় না! যেখানে আর কেউ থাকবে না, থাকবে শুধু সে আর সে! নাঃ, তা আর কি করে হবে। এ যে শোনা যায় জীবন মরণের সংকট! কিন্তু একটা কথা, এই যে লোকটার সঙ্গে তার কত বছর হ'ল বিয়ে হয়েছে, তার সারা অঙ্গে যৌবনের হিল্লোল বহে চলেছে, সে যে

দেবতার কাছে নিবেদন করবার ফুলের মত পথ চেয়ে বনে আছে কিন্তু কই এ ত একবার ফিরেও চায় না। অথচ একি তার জন্মজন্মান্তরেও স্বামী হ'বে ? দূর ! তা অসম্ভব ! আর যদি তা' হয় তা' হ'লে বুঝতে হবে এটা বিশ্ববিধাতার অবিচার বা তার ওপরে একটা বিরাট অভিশাপ আছে।

(৪)

তারপর একদিন সবাই দেখে কমলার মুখে আর হাসি ধরে না, শুকনো মুখ আজ অন্তরের আনন্দ আভায় উজ্জ্বল ! সবাই একটু আশ্চর্য হয়ে গেল কিন্তু মুখে কেউ কিছু বললে না কারণ সবাই তার জীবনের করুণ কাঠিনী জানতো। খালি তার মামাত নন্দ বললে, হাঁলা, মবুতিস মুখ শুকিয়ে, রাত কাটাতিস সবার চোখের আড়ালে কেঁদে কেঁদে, আজ আবার পোড়ার মুখে হাসি ফুটলো কোথা থেকে। তবে কি দাদার মন ফিরলো, দাদা কি তোর শ্রীচরণে মজলেন।

কমলা হেঁসে বললে 'দূর তা' কেন, তেমন কপাল কি করেছিলুম ভাই ; তা নয় তবে ভেবে দেখলুম যে একজন ত দিকি আরানে কাটাচ্ছে তবে আমিই বা কষ্ট করে মরি কেন। সারা রাত্তির কেঁদে কাটাট স সব কিন্তু ভাই তোর বানানো কথা বরং তুই একদিন রাত্তির বেলা আমার কাছে শুয়ে দেখিস্।'

একদিন কমলা বাড়ীর একটি ছোট মেয়েকে দিয়ে সতীশের কাছে তার ষ্ট্রিডিওর চাবি চেয়ে পাঠালে। সতীশ একটু অবাক হ'য়ে গেল। কারণ কমলার যা প্রাপ্য সতীশ কোনো দিন তাকে তা দেয় নি আর সেও এই অজ্ঞান বিচার মাথা পেতে নিয়েছে মুখটি বুজে, কোনো দিন কোনো আপত্তি করে নি। আজ তবে সে ছবির ঘরের চাবি চেয়ে বসলে' কেন ? একবার ভাবলে জিজ্ঞাসা করবে, কি দরকার। তারপর

—আদেশ—

কুশল ভট্টাচার্য্য মহাশয় যখন জীবিত ছিলেন, তাঁহার দান ধ্যান, ক্রিয়া কলাপ, মান সম্ভ্রম দেখিয়া সারা দেশের লোক মনে করিত, ভট্টাচার্য্য মহাশয় ভাগ্যবান পুরুষ এবং ধনে পুত্রে তাঁহার লক্ষ্মীলাভ হইয়াছে। কিন্তু তিনি লোকান্তরে গমন করিলে সেই পোড়া দেশের লোকই তাঁহার শ্রাদ্ধে নিমন্ত্রণ খাইয়া গিয়া অযাচিতভাবে বস্তব্য প্রকাশ করিল—ভট্টাচার্য্যের ছিলনা বিশেষ কিছুই। থাকিবার মধ্যে ছিল মাত্র একখানা বাড়ী; পাওনাদারকে ফাঁকি দিবার জন্য সেখানিও বিক্রয় কোবালা করিয়া তিনি তাঁহার কনিষ্ঠ পুত্রকে দিয়া গিয়াছেন। সে কারণে তাঁহার জ্যেষ্ঠ পুত্র পথের কাছাল হইয়াছে।

জন্মবের সহস্র ঙ্গিহ্বায় স্থান পাইয়া মস্তব্যটা শেষে এমন আকার ধারণ করিল যে তাগা শুনিয়া কুশল ভট্টাচার্য্য মহাশয়ের জ্যেষ্ঠ পুত্র মহাদেবকে মনে মনে বলিতে হইল—“বস্তুকরে বিদ্যা হও, আমি তোমার মধ্যে প্রবেশ করি।” মহাদেব তাগার কনিষ্ঠ সহোদর মহেন্দ্রদেবকে একদিন একাকী পাঠিয়া জিজ্ঞাসা করিল—

“—এক শুন্‌চ ভাই ?”

বিস্ময় পরিত নেত্রে মহেন্দ্রদেব প্রতি জিজ্ঞাসা করিল—“কিসের কি দাদা ?”

“এই বাগান ঙ্গার কথা—বাড়ী বিক্রয়ের কথা—”

অপ্রসন্ন মুখে মহেন্দ্রদেব কছিল—হাঁ, সেত সবই ঠিক কথা।
তুমি কি জানে ?

—“কিছুই না। বা'ক তা'তে আর হয়েছে কি ? তা' হ'লে ঋণের কথাও সত্য ?”

“—মৃত্যুর মতই সত্য। খরচে লোকেব যা' হয়ে থাকে, তাই। বাড়ীটা যদি রক্ষা করতে পারা যায়, এই ভেবেই টাকাটা অল্প জায়গা থেকে জোগাড় ক'রে—” “কৈফিয়ত চাচ্ছিনা ভাই। কেবল ভিজ্ঞাসা করছি' বাড়ীই যদি বিক্রি হ'ল, বাবার ঋণ শোধ হ'লনা কেন ?”

অভিজ্ঞতার অভিনয় করিয়া খুব গম্ভীর ভাবে মহেন্দ্র কহিল—“যাব ঋণ—অনন্ত, তাঁর আর শোধ হ'বে কেমন ক'রে বল দাদা ? তবে বাড়ীখানা যে আটক রেখেছি, সে কেবল বুদ্ধি ক'রে !”

আপনার মাথার দীর্ঘ কেশগুলো একটু জোর করিয়াই টানিতে টানিতে মহাদেব বলিল—

—“ও বুদ্ধিটা খুব সুবুদ্ধির পরিচয় নয় মহেন্দ্র ! পিতৃঋণ, বুঝে—পিতৃঋণ”—মহাদেব আর কথা কহিতে পারিল না। কাজল মেঘের বাদল ধারার মত তাহার চক্ষু দিয়া তখন অশ্রু বহিতে লাগিল। মহেন্দ্র দেবের ভঙ্গী দেখিয়া মনে হইতেছিল, সেই প্রসঙ্গে সে আরও কিছু বক্তৃতা করে। কিন্তু মহাদেবের অবস্থা দেখিয়া তাহা করিতে তাহার আর সাহসে কুলাইল না।

(২)

আশ্বিন মাস—এবার মাসটা পড়িতে না পড়িতেই মহাপূজার আয়োজন চলিতেছে। মহাদেবের পুত্র সরলকুমার কলেজ হইতে আসিয়া পিতার ঘরে ঝড়ের মত প্রবেশ করিয়া কহিল—

—“বাবা, কলেজ বন্ধ হচ্ছে এই, কলেজের মাহিনা আর জরিমানার টাকা কাল একটার মধ্যে জমা না দিলে নাম কাটা যাবে।”

আবিষ্টের মত খানিকক্ষণ পুত্রের মুখের দিকে চাহিয়া থাকিয়া মহাশয় জিজ্ঞাসা করিল—

—“কেন, তোমার কাকাবাবু মাইনে দেন নাই?”

—“না, বলেছেন—টাকা কড়ির যেরকম অবস্থা, তা’তে এবার পুত্রের কাপড় চোপড়ই হ’বেনা ত, কলেজের মাইনে।”

—“তা’ হ’লে নাম কাটা যাওয়াই ভাল।”

—“আপনি কি বলছেন বাবা!”

—“ঠিক বলছি ধন, তুই সে কথা বুঝতে পারবিনি। যে লেখাপড়ায় নান্দুয তৈরী হয়না সে লেখা পড়া নাই বা হ’ল। তার চেয়ে কোদাল পেড়েও যদি সংসারে সুখ শান্তি আনতে পারা যায়, সেটা লক্ষণে ভাল।”

পুত্র বিরক্ত হইয়া পিতাকে বলিল—

—“আপনি কখন যে কি বলেন বাবা, আমি কিছুই বুঝতে পারি না।”

মহাশয় হাসিয়া বলিল—“খাটিকথা বুঝা একটু শক্ত বাবা। সেদিন যখন এসে বলেছিলি, একটা উৎসব গৃহে নিমন্ত্রণ রক্ষা করিতে গিয়ে তোর খোপ ছরত কাপড় চোপড় ছিলনা ব’লে আহ্লাহক তোকে অতিথির প্রাপ্য সম্মান দেয় নাই, সেদিনও একথা ব’লে ছিলাম, আর আজও তাই বলছি—”

পিতৃদেবকে কথা শেষ করিতে না দিয়া পুত্র উত্তেজিতভাবে কহিল—“শুধু তা’রা কেন, কাকাবাবুর ছেলে অবনীও তো হাজার কথা কয়েছিল।”

প্রমাণ হইয়া বাইবে। পাড়ার লোকও মহাদেবের পক্ষ হইয়া সেই কথাই আদালতে বলিয়া আসিবে। তখন সম্পত্তি চুল চিরিয়া বখরা হওয়া ভিন্ন ত আর উপায় থাকিবে না।

মহেন্দ্রদেব চিন্তার সমুদ্রে পড়িয়া গেল। সে একবার ভাবিল— কিছু টাকাকড়ি দিয়া দাদার সহিত ব্যাপারটা সে মিটাইয়া নয় কিন্তু বিস্তৃতি বাহার সর্ব্ব্ব, একরূপ সহজ ভাবে মিটমাট করা তাহার পক্ষে সহজ নহে। বিশেষ, অবনী বিলাসিতার যুর্ণিপাকে পড়িয়া সে সময়ে সে ভাবে টাকার শ্রদ্ধ করিতেছে, তাহাতে টাকা দিয়া দাদার সহিত মিটমাট করিতে মহেন্দ্রের একবারেই মন সরিল না। তখন সে আইনের ব্যাগকুটের বিচার করিতে বাসল। কোনরূপ সিদ্ধান্ত কারতে না পারিয়া অগ্রজকে সে মনে মনে খণ্ড বিখণ্ডিত করিতে লাগিল। পত্নীর পরামর্শ লইয়া তবে সে রাত্রে তাহার নিদ্রা হয়। পত্নী পরামর্শ দিয়াছে—“দেখা যাকনা, কত ছুরের জল কত ছুরে গড়ায়।” জল কিন্তু একেবারেই গড়াইল না। মাসখানেক পরে মহাদেব কাশীধামে অন্নপূর্ণা ক্ষেত্রে আশ্রয় গ্রহণ করিল—সরল ও সরলের মাতাও সে আশ্রয় গ্রহণ করিতে আপত্তি করে নাই। মহাদেবের উকীল মহেন্দ্রদেবকে একখানা রেজেষ্টারী দলিল পাঠাইয়া দিয়াছেন—তাহাতে লেখা ছিল, মহাদেব স্ত্রী শরীরে বাহাল ভবিষ্যতে বলিতেছে, মহেন্দ্র দেবের সম্পত্তিতে তাহার বা তাহার পুত্র সরলকুমারের অথবা সরলকুমারের ভবিষ্যৎ বংশধরগণের কোনই অধিকার নাই।

মহাদেব আর ফিরিল না। মহেন্দ্রদেব অহুতাপানে দগ্ধ হইয়া কেবলই ডাকিতে লাগিল—দাদা ফিরে এস, দাদা ফিরে এস।

কিন্তু মহাদেব সে কথা কাণেও তুলিল না। সরলকুমার বহুকাল পরে আর এক শারদীয়া উৎসবকালে একবার আসিল বটে—তখন

মহেশদেব, পুত্রের অপরিণামদর্শিতার ফলে নিঃস্ব, নিঃসহায়, নিঃস্বল
 আর অবনীকুমার দুঃস্বাস্ত্য রোগে শয্যাশায়ী। ব্যবসায় বাণিজ্যে
 সরল লক্ষীলাভ করিয়াছিল। মহাদেবের আদেশ হইল—সরল কুমারই
 তাহাদের ভরণ পোষণ করিবে। সরলকুমার সে আদেশ মাথা পাতিয়া
 লইল।

শ্রীমুকুন্দপ্রসাদ সর্কাধিকারী।

—বিধির বিধান—

কর্ম জীবনে প্রবেশ করে অবধি নিশ্চিত মনে বসে “আরাম” জিনিষটা একেবারে ভুলে গেছলুম। সকালে উঠেই Collegeএ attend করা, আর সারাদিন ধরে রক্ত, পুঁজ, ঘাঁটাই আমার এক রকম অভ্যাসগত হয়ে ঝাড়িয়েছিল। রাত্তির বলে যে একটা সময়, লোকে নিশ্চিত মনে বিশ্রাম কর্তে পার, আমার ভাগ্যে তাও সব সময় ঘটে উঠত না। এই ভাবে আমার জীবনের দিনগুলো বৈচিত্র্যহীন হয়ে কেটে যাচ্ছিল।

* * * *

কিন্তু আমার এই বৈচিত্র্যহীন জীবনের মধ্যেও হঠাৎ একদিন বৈচিত্র্যের আভাস মিলল। সেদিন কলেজ থেকে ফিরে শরীরটা বড় অসুস্থ বোধ হতে লাগল। তাড়াতাড়ি করে quarterএ ফিরে এলুম। যাকে অসুস্থতার কথাটা জানিয়ে বিছানার আশ্রয় নিতে হ’ল। তারপর থেকে কিভাবে আমার দিন কেটেছে...কিছুই টের পাই নি। হঠাৎ একদিন চেয়ে দেখি Principle সাহেব বিছানার পাশে বসে রয়েছেন আর আমি শুয়ে আছি। অপ্রস্তুত হয়ে উঠে বসতে গেলুম... মাথাটা কেমন ঘুরে গেল। তাব গতিক দেখে, তিনিও বেশ গভীর মেজাজে আমার কলেজে অসুস্থতার কারণ জিজ্ঞেস করতে আরম্ভ করে দিলেন। আরও অপ্রস্তুত হয়ে দোষ স্বীকার করলুম। আর এই কথার সঙ্গে সঙ্গেই Principle সাহেবের অট্টহাস্যে আশ্চর্য হয়ে গেলুম।

আমাকে হতভয়ের মত দেখে Principle সাহেব একে একে কলেজের প্রত্যাগমনের পরদিন থেকে এই ২১শ দিনের একটা লম্বা ফিরিঙ্গি দিলেন। তারপর আমার হাতছটোকে নিয়ে মার হাতে দিয়ে, আধা বাঙলার তাঁর কাছ থেকে বিদায় নিলেন। তারপর থেকে দিনের পর দিন উন্নতির দিকে অগ্রসর হতে লাগলুম। কিন্তু তখনো মনটার মধ্যে কেবলই patient দেয় চিন্তা উঁকি মারতে লাগল...তারা যেন আমার প্রত্যাগমনের পথ চেয়েই বসে রয়েছে। এই ভাবে যত দিন যেতে লাগল আমিও ততই নিজের কাছে নিজেই লজ্জিত হতে লাগলুম। সেদিন সকাল বেলা মাথাটা বেশ পরিষ্কার মনে হল। বিছনাতে বালিস্টা হেলান দিয়ে Anatomyর বইখানা নিয়ে নাড়াচাড়া করছি, এমন সময় Collageএর চাপ্রাসীটা Peon বইখানা হাতে করে সামনে এসে দাঁড়াল। বিছনার পাশেই টেবিলটার ওপর খাতাখানা খুলে পেন্সিলটা হাতে দিলে, একটা সই করে খামটা ছিড়ে ফেললুম। চিঠিটায় দেখি যে আমার Collge থেকে তিন মাসের ছুটি মঞ্জুর হয়েছে। বিনা দরখাস্তের ছুটি মঞ্জুর দেখে বেশ আনন্দ বোধ হল। কিন্তু আবার Principle সাহেবের চিঠিটায় দেখি, যে তিনি আমায় শীঘ্র কোথাও Changeএ যেতে আদেশ করেছেন। এ আবার কি বিপদ হল..... Changeএ যাওয়ার মধ্যে দেশে ঘুরে আসাই আমার change ছিল। তবে patientদের উপদেশের কসুর কখনও করিনি। এবার নিজের ওপর সেই chargeএ যাওয়ার আদেশ শুনে, তাড়াতাড়ি মাকে ডেকে principle সাহেবের হুকুমটা জানালুম। মা কিন্তু এ কথা শুনে বললেন—

“কেন আমি ত সব ঠিক করে ফেলেছি যতীন। আমরা আসুছে সপ্নাতেই ত বেরিয়ে পড়ব।”

থেকে, হয়ত আমার মতও একটা লোক, অনেকটা শাস্তি উপভোগ করত। এতদিন লেখাপড়ার ভেতরেও সেলি, বায়রণ থেকে শুরু করে আমাদের দেশস্থ মাইকেল, রবীন্দ্রনাথ, বঙ্কিমচন্দ্র, শরৎচন্দ্র প্রভৃতি কারও বই পড়ার সৌভাগ্য থেকে বঞ্চিত হইনি। বই পড়াটা আমার একটা মন্ত অভ্যাস ছিল, তবে নিজের মধ্যে সেগুলো নিয়ে নাড়াচাড়ার চেষ্টা কখন করিনি আর সে সবগুলো অপেক্ষা Anatomy টাই লাগত ভাল আর সেক্ষেত্রে নিয়েই শরীরপাত করতে শুরু করেছিলুম। রোজ সেই বালীর স্তপটায় বসে সূর্যাস্ত দেখতুম আর মনটার মধ্যে নানা রকম ভাব ছেগে উঠত। ছেলেবেলায় শিখেছিলুম বাঁশী তাও এই Anatomyর চাপে একেবারে তলিয়ে গেছে। আবার সেই সব কথা মনে পড়ত... ..ছেলেবেলায় আমি বাজাতুম বাঁশী আর সে গাইত গান।

* * * * *

দু' মাস এই ভাবে বেশ কেটে গেল, মনটার সঙ্গে শরীরটাও বেশ সেরে উঠতে লাগল। সেদিন সন্ধ্যা থেকেই টিপ টিপ করে বৃষ্টি শুরু হওয়ার খুব সকাল সকাল বাড়ীতে ফিরতে হল। বাড়ী ফিরে এসে একখানি পুরানো নবযুগ টেনে নিয়ে অলসভাবে চোখ বোলাতে লাগলুম। হঠাৎ অমিয় মিত্রের লেখা "পথিক বন্ধু" বলে একটা গল্পের ওপর চোখ পড়ল। লেখক এই গল্পে সমুদ্রের সুন্দর বর্ণনা করেছেন। বর্ণনাটি পড়ে আমার নেহাৎ অকবি মনও কিছুকণেব জন্তে যেন কেমন উদাস হ'য়ে এল। মনে হ'ল, আমি যদি কবি হতুম পুরী আসা তবেই যেন আমার সার্থক হ'ত।

একবার, দু'বার করে অনেকবার পড়েও যেন তৃপ্তি হচ্ছিল না। এত তন্ময় হয়ে গেছিলুম যে বাইরে কে একটা লোক বার বার করে কড়া

* * * *

কাছেই বাড়ী...পৌঁহতে বেশী দেরী হ'ল না। আমাকে বাইরে র
ঘরটা'র বসিয়ে তাড়াতাড়ি সে ভেতরে চলে গেল। একটু পরেই ফিরে
এসে বলে "আপনি শিগ'গির ভেতরে আসুন।"

একটা আলো হাতে করে, আমাকে ভেতরের পথ দেখিয়ে রুগীর
ঘরে নিয়ে গেল। ঘরের ভেতর ঢুকে দেখলুম, এক বৃদ্ধ একটা তরুণীর
অচেতন দেহ কোলে করে বিছানার ওপর বসে রয়েছেন। আমাকে
দেখেই বৃদ্ধ উচ্চৈঃস্বরে বলে উঠলেন—

"বাবা যতীন, আমার লীলার কি হল বাবা! আমা'র শত চেষ্টা
বুঝি পাও হল!" রুগীর দিকে চেয়ে চমকিত হয়ে বলে উঠলুম "জ্যেষ্ঠা-
মশায়, আপনারা—এখানে কবে এলেন?"

"সব কথা হবে বাবা—আগে আমার লীলাকে দেখা।" তাড়াতাড়ি
কম্পিত হস্তে Pulseএ হাত দিয়ে সিউরে উঠলুম। বুঝলুম, লীলার
লীলা হুরিয়ে এসেছে—বড় জ্বরের আর দু' এক দিন। প্রাণটার
মধ্যে আগুন বয়ে গেল; ছেলবেলাকার সেই সব কথাগুলো পর পর
মনে আসতে লাগল। সেই গুরুমশায়ের পাঠশালায় আমাদের পরিচয়।
একদিন এই লীলার বাবা তাকে সেখানে ভর্তা করে দিয়ে গেলেন আর
আসবার সময় বলে গেলেন তোর এই যতীনদাদার সঙ্গে রোজ আসবি
যাবি। তারপর যতদিন পাঠশালায় পড়েছিলুম সে রোজ আমার সঙ্গে
যেত আর আসত। আমিও পাঠশালা ছাড়লুম, সেও সেই থেকে
পাঠশালা ছাড়লে। আমি পড়তুম গ্রামের স্কুলে; সে পড়ত তার
বাবার কাছে। সকালে বিকলে রোজ আমাদের পুরুর পাড়ে দেখা
হত...কত খেলা, কত গল্পই তখন আমাদের মধ্যে হত। স্কুল থেকে
এসেই যেতুম তাদের বাড়ীতে...তখন লীলার মা ছিলেন, তিনি আমাকে

লীলার সঙ্গে রোজ খেতে দিতেন, আমিও অবাধে সে খাবারটুকু রোজ খেতুম। তারপরেই দুজনে বেরিয়ে পড়তুম খেলতে। শৈশবের দিনগুলো কি সুন্দর! সোমেন্দেবর বাগানটা ছিল আমাদের খেলার আড্ডা। আর সেই পুকুরের পাড়টার বসে লীলা গাইত গান, আমি একমনে তার মুখের দিকে চেয়ে বসে থাকতুম। আমার গলাটা ছিল একেবারে যাকে বলে রাসভ-নিমিত্ত। কতদিন লীলা আমায় গান শেখাবার চেষ্টা করেছিল, শেষে সে একেবারে হতাশ হয়ে ছেড়ে দিয়েছিল। তারপর খেয়াল হল এবার থেকে লীলার গানের সঙ্গে বাঁশী বাজাতে হবে। সেই থেকে তার গানের সঙ্গে সঙ্গে বাঁশী বাজাতে শুরু করলুম, কিন্তু দুর্ভাগ্যবশতঃ তাব গানের সঙ্গে বাঁশীর অনেক তফাৎ হয়ে যেত আর সেও গান ধামিয়ে ফেলত। তারপর লীলার মার অস্থির সময় আমরা তার কাছে বসে থাকতুম। কত রকম গল্প তিনি আমাদের বলতেন, কোন কোন দিন আমাদের বুকের কাছে টেনে নিয়ে গিয়ে আদর করে বলতেন—

“জানিস্ যতীন; আমি যদি কোনদিন ভাল হই ত তোদের আগে আপনীর করে নেব বাবা।”

তারপরেই কিছুদিন বাদে লীলার মা মারা গেলেন। লীলাকে তোলাতে গিয়ে আমিও কেঁদে ফেলেছিলুম। সেই থেকে লীলাকে আমার মার কাছে এনে রাখতুম, সেও এই ভাবে মার শোক ভুলতে চেষ্টা করত। এই ভাবে স্কুলের পাঠ শেষ করলুম। আবার সেদিনটার কথা মনে পড়তে লাগল...সেদিনটা ছিল রাধী পূর্ণিমার রাত। সোমেন্দেবর বাড়ীতে আমাদের সত্যনারায়ণ পূজার নেমন্তন্ন—দুজনে সেখানে পূজা দেখতে গেলুম, সকলেই যে মার মনস্কামনা প্রার্থনা করতে লাগল। লীলা আর আমি মার ইচ্ছাটা যাতে পূর্ণ হয় সেই প্রার্থনাই সেখানে করেছিলুম। তারপর থেকে বিধির নিরীক্কে সে

—সম্বন্ধ ভঙ্গ—

“পিসী, ও পিসী, ওঠনা ছাই, বাইবে !”

ভূতনাথের পিসীমা তদ্বার ঘোরে বলিলেন, “তা যানা বাছা।”

“বাঃ ! বেশ লোকত ? কেউ মরে, আর কেউ হরি হরি বলে ! ওঠনা বলছি”, কথাটা বলিয়া ভূতনাথ পিসীমাকে জোরে একটা ঠেলা দিল।

পিসীমা ধড়মড়িয়া উঠিয়া বসিয়া চোখ মুছিতে মুছিতে বলিলেন, “এঁয়া, কি বলছিস ভূতো ? ডাকলি আমায় ?”

“না ডাকবো কেন, তামাসা করছি ! আমি যে আফিং খেইছি।”

“এঁয়া, বলিস কি ? আফিং খেইছিস ? ওমা, কি সর্বনাশ হোলো গো ! ওগো, তোমরা এস দেখো গো, আমার ভূতো বুঝি ষায় গো !”

পিসীমার কঁাসরের মত চাঁচাছোলা আওরাজে ভাড়াটে বেহারীবারু ছুটিয়া আসিলেন, তাঁহার পশ্চাতে তাঁহার গৃহিণীও গায়ের কাপড় চোপড় সামলাইতে সামলাইতে যত সম্ভব সম্ভব ঢাকাই জালার মত দেহখানিকে দোলায়মান করিতে করিতে ভূতোর পিসীদের ঘরে আসিয়া হাজির হইলেন।

বেহারী বারু প্রায় হাঁপাইতে হাঁপাইতে বলিলেন, “এঁয়া, হয়েছে কি মাসী, এই রাত্তিরে ?”

“ওগো, তোমরা দেখগো বাবু, ভূতো আমার কি সর্বনাশ করলে গো ! ওগো তোমরা পাঁচজনে বলগো, আমি কি দোষ করলুম যে, ভূতো আমার কাঁকি দিয়ে চললো গো, ওগো—”

“আরে, হয়েছে কি—”

“ওগো আর যে কেউ নেই গো আমার ! ঐ যে শিবরাত্রির সন্তে টুকুগো ! ওগো আমার হাতেই বাপ যে সঁপে দিয়ে গিয়েছিলে গো !”

“আরে, কি মুন্সিল ! মিছিমিছি চেঁচাচ্ছে দেখ । বলি হোলো কি ?”

“ওগো আমি কিছু বলিনি গো ! দুটো টাকা গো, ইয়ার বন্ধীদের কালীঘাট দেবে গো ! কেন মরতে দিইনি গো—”

বেহারী বাবু ধৈর্যচ্যুত হইয়া বলিলেন, ‘না, মাসী ত কিছু বলবে না । ওরে ভূতো কি হয়েছে বল দিকি ।’

ভূতনাথ ওরফে ভূতো ক্ষীণস্বরে বলিল, “আমি আফিং খেইছি ।” তাহার কণ্ঠস্বরে উদ্বেগ ও ভয়ের রেশ ছিল । বেহারী বাবু তৃপ্তির নিঃশ্বাস ফেলিয়া বলিলেন, “এই কথা ! আমি বলি আর কিছু ।”

পিসীমা নয়নযুগল ষতদূর সম্ভব বিস্তৃত করিয়া বলিলেন, “এ্যা, বল কি, আরও কিছু ? ছেলে আফিং খেলে সেটা কিছু নয় ?”

“তুমিও যেমন মাসী, ও সেই ছেলে কিনা, তোমায় ভয় দেখাচ্ছে টাকা আদায়ের জন্যে । চল, চল, শুইগে যাই । ভাল আপদ ! রেতেও যুমোবার ঘো নেই ।”

কথাটা বলিয়া বেহারীবাবু নিজের ঘরের দিকে চলিলেন । পিসীমা চাঁৎকার করিয়া উঠিলেন, “ওমা চললে যে বোনপো ? ছেলেটার একটা হিলে করে যাও ।”

ভূতো বলিল, ‘বেশ, তোমরা ঝগড়া করতে থাক, আমি আফিং খেইছি কিনা, এদিকে আমি মারা যাই । বেশ !’

বেহারী কিরিয়া আসিয়া বলিল, “তুমি খেপেছ মাসী—ও ছোঁড়া আফিং খাবে ? আফিং খেলে এতক্ষণ হাত পা খিচতো, মুখ দিয়ে গাঁজা উঠতো, পেট কাঁপতো । এই ভূতো, সত্যি কি করিছিস্ বল ।”

ভূতো বলিল, “আফিং খেইছি।”

“কতটা ?”

“এই এতটা।”

বেহারী বাবু হো হো করিয়া হাসিয়া উঠিলেন, ভূতো আফিংয়ের যে পরিমাণ দেখাইয়াছিল, তাহা একটা সৰ্বপের আকারেরও হইবে কিনা সন্দেহ। তাই তিনি হাসিয়া বলিলেন, “দেখ মাসী, ছেলেটার মাথা ভূমিই খাচ্ছ। যার প্রাণের ভয় এত যে, সৰ্ব্বে ভোর আফিং গালে দিবে পিসীকে ডাকে বাঁচাতে সে সত্যি আফিং খাবে ? তোমায় বলে দিচ্ছি, একটা পরসাত্ত ওর হাতে দিও না। ~~কোম্পানী~~ গেল একেবারে, গোজার গেল !”

বেহারী বাবু সস্তীক নিজের শয়ন কক্ষে ফিরিয়া গেলেন। পিসীমা তখন রাগে ফুলিয়া উঠিয়া বলিলেন, “ও হতছাড়া মুখপোড়া ! আমার সঙ্গে মস্কারা ? বেরো আমার বাড়ী থেকে।”

পিসীমা দাঁড়াইয়া উঠিতেই ভূতো এক লক্ষ্মে শয্যাভ্যাগ করিয়া স্বার-দেশে উপনীত হইল এবং বৃদ্ধকুষ্ঠ দেখাইয়া বলিল, “বেরে গেল, তোর ভাত আর নাই খাব। ওঃ ভারী ত পিসী ! চল্লুম একুনি গজার কাঁপ দিতে।”

(২)

যাই কোথা ? খাই কি ? পিসীর নোনাধরা পাঁজর-বার-করা বাড়ীখানার হাঁটুচুপ, না জানালা গরাদে ? বুড়ীর আর সব ভাল, কেবল পরসাত্ত কড়ি বাহির করিবার সময় বেটা যেন ‘বন্ধি’ !

দিক্কা দ্বিতীয় প্রহরের কাটফাটা রোদ্দ্র গজার ঘাটে বসিয়া ভূতনাথ আপনার স্বখ দুঃখের কথা মনের মধ্যে তোলাপাড়া করিতেছিল। সেই যে সে শেষ রাত্রিতে পিসীকে বৃদ্ধকুষ্ঠ দেখাইয়া পলাইয়া আসিয়াছে, তাহার পর-প্রভাতে ডেপো হরির অপেরার আড্ডার এক ছিলিম গাঁজার

সরকারের অঘোষিত মুকুটবিদ্যান। পিতা সরকারী ছাপাখানায় কম্পোজিটারী করিয়া মাসে নগদ ২২ টাকা ১০ আনা ৭ পাই উপার্জন করিতেন আর মাতৃহীন পুত্রকে লইয়া ভগিনীর গৃহে 'মানুষ' করাইয়া লইতেন। তাঁহার ইহলোকের ছুটির সঙ্গে সঙ্গে মাসিক ২২টি টাকাও ছুটি লইয়াছিল ভরসা তখন পিসীর ঐ বাড়ী ভাড়ার ২০টি রজতমুদ্রা। শৈশবে সে মাতৃহারা। তাহার গর্ভধারিণী সুবুদ্ধির কার্য করিয়াছিলেন,—অধিক কাল জীবিত থাকিলে এমন পুত্ররত্নকে অকে ধারণ করিয়া রত্নগর্ভা নামে আপনাকে পরিচিত করিবার অবসর দান না করিয়াই তাহার এক বৎসর বয়সেই ইহলোক হইতে ছুটি লইয়াছিলেন। তবে তাঁহার দুর্বুদ্ধিও যে ছিলনা এমন কথাও বলা যায় না, কেননা তিনি যদি স্মৃতিকাগারে স্ত্রীর পরিবর্তে তাঁহার রত্নের মুখে কিঞ্চিৎ লবণ দিয়া যাইতেন তাহা হইলে দুঃখিনী বসুন্ধরার গুরুভার বহুল পরিমাণে হ্রাস হইত, সঙ্গে সঙ্গে ভূতনাথকে আজ দণ্ড জঠরের আলায় বিপ্রহরে গঙ্গার ঘাটে বসিয়া ভাবিতে হইত না। ভূতনাথ আজ সঙ্কর করিয়াছে। ঘরে ফিরিবে না, গঙ্গার ডুবিয়া মরিবে তবু পিসীর ভাত খাইবে না। কিন্তু গঙ্গার কাছে আসিয়া—

বাপরে ! যে ঢেউ, জলে নামিতে পা কাঁপে যে, বুক গুরু গুরু করেই ত !

হঠাৎ ভূতনাথের চিন্তাস্রোতে বাধা পড়িল। ঘাটের সোপানের উপর এক পার্শ্বে একখানা নামাবলি আর একটা তামার ঘটি না ? ব্রাহ্মণ নাভি-জলে দাঁড়াইয়া চক্ষু মুদ্রিত করিয়া জপাহ্নিক করিতেছিলেন। পাণ্ডারা অনেকে আহারের বোগাড়ে বাসার চলিয়া গিয়াছে, যে দুই এক জন আছে তাহারা চাঁদনীর মধ্যেই কাপড় বিছাইয়া শুইয়া পড়িয়া দিবানিদ্রার আয়োজন করিতেছে। এই ত সুযোগ।

ভূতনাথ সোপান বাহিয়া গঙ্গাজলে অবতরণ করিল। চোখে মুখে জল দিয়া উঠিয়া আসিবার সময় ভ্রমক্রমে না বলিয়া নামাবলি ও ঘটিটা

চোর বাগানে পাড়ি জমাইল। ব্রাহ্মণের নামাবলি খানি কঁকে কেলিয়া সে হন্ হন্ করিয়া হাঁটিয়া চলিল। তাহার পারে জুতা বা গায়ে জামা নাই, এক কাপড়েই সে বাড়ীর বাহির হইয়াছিল। পুরাতন দারবান তাহাকে চিনিত, সে বাড়ী গিয়াছিল। বদনী মূতন দারবান তাহার গায়ে নামাবলি ও গায়ে জুতা নাই দেখিয়া বাড়ীর গুরু পুরোহিতের সন্তান মনে করিয়া প্রণামান্তে ভিতরে ছাড়িয়া দিল। ভূতনাথ সরকারদের ঘরে না ঢুকিয়া সরাসরি কাঠের সোপান বাহিয়া দ্বিতলে মোহিতচন্দ্রের বৈঠকখানায় হাজির হইল। মোহিতই এখন মালিক, আজ তিন বৎসর হইল সে পিতৃহীন।

ভূতনাথ কঁকে প্রবেশ করিতে প্রথমটা সঙ্কোচ বোধ করিল। আধুনিক ক্যাসানে নানা মূল্যবান আসবাব পত্রের কক্ষখানি সজ্জিত—ভূতনাথ একহাঁটু ঘুলা সমেত সুন্দর কার্গেটের উপর পাদবিক্ষেপ করে কিরূপে? কিন্তু ভূতনাথের সঙ্কোচ বা দ্বিধা কণস্থায়ী মাত্র,—উহা তাহার স্বভাব। সে কঁকে প্রবেশ করিয়া একখানি কোমল সোফার অঙ্গ হেলাইয়া বসিয়া পড়িল। দেওয়ালে চমৎকার ইংলিশ ক্লক্ টিক্‌টিক্ করিতেছিল—ভূতনাথ চাহিয়া দেখিল, প্রায় ৬টা। উঃ এত বেলা হইয়াছে? তাহার কাজ অনেক, হালফীল সন্ধ্যার পরই ডেপো হরির আড্ডায় দিয়া চরমের ছিলিম চড়াইতে হইবে। চরস, গাঁজা বা তামাক সাজা তাহার একচেটিয়া ছিল। হারু গোয়ালী বলিত, ভূতোর হাতের সাজা কঁকে যেমন খিটি লাগে এমন কাহারও না, আর জন্মে নিশ্চয়ই যে কোন নবাবের হঁকাবরদার ছিল। অয়েলপেট করা দেয়ালে বড় বড় আধনা ঝুলিতেছে, মেঝে কার্গেট-মোড়া, সোফা, ইঁজি চেয়ার, কোচ, গদীমোড়া কেদারা, করাস বিছানা, মার্কেল ও চীনায়াটির গুড়ল, বড় বড় অয়েল পেটিং, বৈজ্ঞানিক ক্যান লাইট—বড়লোকের বৈঠকখানার কোন

আসবাবের জুটি ছিল না।

ভূতনাথ সম্মুখের দেয়ালঝোড়া আয়নার একবার নিজের মূর্তিখানা দেখিয়া লইল,—বাঃ বেশ মানাইরাছে, মাথার একটা টুকি থাকিলেই একবারে পুরা ভাটপাড়ার ভটগাৰ্! ওঃ বাগুনের নায়াবলিখানা কি কাজেই লাগিয়া গিয়াছে!

হঠাৎ ভূতনাথ চমকিয়া উঠিয়া প্রায় সোফা হইতে পড়িয়া বাইবার উপক্রম করিল,—তাহার পশ্চাতে বীণার মত মধুর বন্ধারে কে বলিল, “বিকুপ্রিয়া ঠাকুর! মাতাইব ধরা সুরা আনি—”

মুহূর্তে চারি চক্ষুর মিলন। ভূতনাথ দেখিল—বাহা জীবনে কখনও দেখে নাই, অপক্লপ রূপময়ী অনবদ্বন্দ্বী কিশোরী। ভূতনাথের সংকৃত বিত্তা জানা থাকিলে বলিত,—তব্বী শ্রামা শিখরিদশনা পঙ্কবিশ্বাধরেষ্ঠি! কবির বর্ণনা, এ বে তাহার সাকার বিগ্রহ! এতরূপ নারীর হয়? সুন্দরীর আয়ত নীলোৎপল নবন বিশ্বের বিক্ষারিত, কমলদলতুল্য চরণ কক্ষমধ্যে প্রসারিত, অশ্রু চরণ কক্ষের বাহিরে গুস্ত—কিশোরী ন বর্বো ন তহৌ অবহার অবস্থান করিয়া তাহারই দিকে স্তম্ভিত দৃষ্টি নিবদ্ধ করিয়া রহিয়াছে।

কিন্তু সে মুহূর্তমাত্র। সে কক্ষমধ্যে বেন চঞ্চলা চপলার মত রূপে : রুলক ছড়াইয়া দিয়া নিমিষে চপলা-চমকেরই মত ভূতনাথের চক্ষু ঝলসিত করিয়া অন্তর্ধান করিল—ভূতনাথ বিশ্বেরে বাকরহিত হইয়া বসিয়া রহিল।

কণপরে ভূত্য আসিয়া বৈদ্যুতিক আলোক জালিয়া দিয়া গেল, সে একবার ভূতনাথের দিকে চাহিল। “কে ঠাকুরমশাই, পেলাম” বলিয়া সে চলিয়া গেল। সে কেন, কাহার জন্ত, বসিয়া আছে, এখাবৎ কেহ তাহাকে জিজ্ঞাসা করিল না। সেও একটা মতগুণ অ্যাঁটিয়া কাহাকেও

দামী পাথর আঁটা। ভূতনাথের পা দুইটিতে কণ্ঠয়ন আরম্ভ হইল। কদম্বের যেমন বর্ষার জল পাইলে শিহরণ হয়, চোরাই মাল জয় করিলে তেমনই ভূতনাথের চরণ যুগলে নৃত্য শিহরণ জাগিয়া উঠিত। বাঁচিয়া থাকুক নামাবলি! তাহার কল্যাণে আজ তাহার ঘটি, রেশমী চাদর, রেশমী জামা, সোণার বোতাম। না, নামাবলি বাঁচিবে কেন, বাঁচিয়া থাকুক পিসী! পিসী যদি তাড়াইয়া না দিত, তবে ত গদায় ঝাঁপ দিতে যাওয়া হইত না, গদায় ঝাঁপ দিতে না গেলেও ত বামুনের লোটা নামাবলি না বলিয়া ধরা দিত না, আর নামাবলি না পাইলেও ত চাদর জামা সোনা জহরৎ বগলে চাপা দিবার সুবিধা হইত না। অতএব বিচিয়াস' কর পিসীমা! হিপ হিপ্ হুররে! হায় হায় এমন পিসীকেও কাঁদাইয়া বেড়াইতেছে ভূতনাথ—তাহার সোল এয়ার এপেরেন্ট—ভাড়া বাড়ীর ভবিষৎ মালিক! ধিক!

ভূতনাথ ক্রতপদে বাড়ীর দিকে অগ্রসর হইল। পাড়ায় প্রবেশ করিয়াই সে প্রথমে নকুড় স্বর্ণকারের দোকানে দর্শন দিল।

নকুড়ের সহিত চুপি চুপি পরামর্শ করিয়া দুই একবার মাথা নাড়ানাড়ির পর ভূতনাথ নগদ ২৫টি রজত মুদ্রা ট্যাকে গুঁজিয়া জিনিষগুলি রাখিয়া চলিয়া গেল। নকুড়ের সহিত ভূতনাথের এই কারবার নুতন নহে। নকুড় জানিত, যাহা তাহার সিন্দুকে একবার বন্ধকরূপে স্থান লাভ করিয়াছে, তাহার আর বহির্গমনের উপায় থাকিবে না।

ভূতনাথ মহা উল্লাসে পিসীর ভাড়া ধরের অঙ্গনে দাঁড়াইয়া থাকিল, “পিসী! পিসী!” পিসী ভাড়াটে বাবুদের ঘরে বসিয়া কাঁথা সেগাইয়ের সঙ্গে সঙ্গে তাঁহার খণ্ডর কুলের ধনদৌলতের গল্প করিতেছিলেন। ভূতনাথের ডাকে তিনি চমকিয়া উঠিলেন, তাঁহার বিশ্বাস হইল না যে, তাঁহার ভৃত্য আবার ফিরিয়া আসিয়াছে। একবারে আলুথালু হইয়া

ছটিয়া বাহিরে আসিয়া তিনি প্রায় কাগ্নার স্বরে ফুঁপাইয়া উঠিলেন,
“কেরে, আমার ভূতো কি ফিরে এলি ?”

তখন পিতৃস্বা ও ত্রাতৃপুলের যে মিলন হইল, তাহা ভাষায় বর্ণনা করিবার নহে। কিছুক্ষণ একপক্ষে কাগ্নার প্যাসিফিক ওমান ও অপর পক্ষে তাহার ভান বহিবার পর পিসী যখন শুনিলেন, তাঁহার ভূতোর চাকুরী হইয়াছে এবং ভূতো যখন আগাম ২ টাকা (পাণ্ডনার করকরে টাকা) দেখাইয়া তাঁহাকে হকচকাইয়া দিল, তখন তিনি তাহার মাথাটা কোলে টানিয়া লইয়া মাথায় চূমা খাইয়া অশ্রুসজল নয়নে বলিলেন,
“বেঁচে থাক, রাজা হ’ও, আমার মাথার চুলের মত তোর পেরমায় হোক। বেটাবেটিরা বলে কিনা আমার ভূতো বড়শাটে, চোখথাগীরা বলে কি না আমার ভূতো গাঁজা টানে! আমার ভূতো কিনা তেমনই ছেলে। হাঁ বাবা, তোর যে একখানা নেখন এয়েছে, দু’দিন পড়ে রয়েছে, দেখ দিকি সরির ওখান থেকে এলো কিনা। আগে কিছু খা বাবা। আমি চট করে দু’মুঠো চাল চাপিয়ে আসি তোর জন্মে।”

পিসী পত্র আনিয়া দিলেন। ভূতো মুড়ী ও নারিকেল নাড়ুর সদ্যবহার করিতে করিতে পত্র পাঠ করিল। পত্র মিরাত হইতেই আসিয়াছে, তাহার ছোষ্ঠ ভগিনী সরলাই লিখিয়াছে বটে। মিরাতের রমানাথ বাবু জুরুরী কাছে কলিকাতায় বাইতেছেন, বোধ হয় এই সপ্তাহেই কলিকাতায় পৌঁছিবেন। তাঁহার একটি ডাগর মেয়ে আছে। রমানাথবাবু কাঙ্ক্ষ, ভূতনাথদেরই পালটিঘর; তাঁহার কিছু টাকা-কড়িও আছে, ভূতনাথের জামাই বাবুর আফিসে মোটা মাহিনার চাকুরী করেন। তিনি কলিকাতায় গিয়া ভূতনাথকে দেখিয়া আসিবেন, পছন্দ হইলে তাঁহার মেয়ের সঙ্গে বিবাহ দিবেন। মেয়ে গেরসুর ঘরের পাঁচপাঁচ মেয়ের মত, কিছু গয়না গাঁটিও পাবে বাপের কাছে, আর

ভূতনাথকেও তিনি দিবেন খুবেন মন্দ নয়। সে যেন লক্ষ্মী ছেলের মত তাঁহাকে দেখা দেয় এবং বেশ শিষ্ট ভাবে কথাবার্তা কয়। তাহা হইলে স্বপ্ন তাহার একটা বড় চাকরীও করিয়া দিবেন। সম্ভবতঃ দুই এক সপ্তাহের মধ্যে একদিন সকালে তিনি তাহাদের বাড়ী গিয়া ভূতনাথকে দেখিয়া আসিবেন। লক্ষ্মীটি, ভাইটি, সে যেন সপ্তাহ দুই সকালে বাড়ী থাকে।

চিঠিতে কনের কথা পড়িয়াই ভূতনাথের, মোহিতের বাড়ীর সেই ডাগর ডাগর ভাসা চোখ দুটি আর গোলাপের মত ফুটফুটে মুখখানি মনে পড়িল। কোথায় সেই পরীরাজ্যের অপ্সরী, আর কোথায় রমানাথের পাঁচাপাঁচি! ভূতনাথ দীর্ঘশ্বাস ত্যাগ করিল। কিন্তু আকাশের চাঁদ হাতে ধরার আশায় বসিয়া থাকার অপেক্ষা মাটির পাঁচাপাঁচির সঙ্গে নগদ টাকা, গয়নাগাঁটি আর আকিষে চাকুরী নিশ্চয়ই ভাল। ভূতনাথ স্থির করিল, সে ভাল মানুষটির মত এই দুই সপ্তাহ সকালে বাড়ীতেই কনের বাপের জন্য অপেক্ষা করিবে।

(৫)

পরদিন সন্ধ্যার পর ভূতনাথ ডেপো হরির আখড়া ঘরে বসিয়া চরসের কলিকায় টান দিতেছে, এমন সময়ে তাহাদের ভাড়াটিয়া বাবুর পুত্র সুলীল আসিয়া বলিল, একজন বাবু তাহার সহিত দেখা করিতে আসিয়াছেন, তাঁহার মস্ত মোটর গাড়ীর উপর তিনি বসিয়া আছেন। ভূতনাথ চমকিত হইল, তাহার বাড়ী মোটর গাড়ী? কে এ ভদ্রলোক? যিরাটের কনের বাবা রমানাথ ভাড়াটে মোটরে আসিল নাকি? না, সে ত সকালে আসিবে বলিয়াছে।

ভূতনাথ হাত মুখ ধুইয়া বাড়ীর দিকে চলিল, কে গাড়ীতে বসিয়া আছে, দূর হইতে বুঝিতে পারিল না। একটু নিকটে গিয়া গাড়ীতে

বেকতে আরম্ভ করবি—পুরুতমশাই বলছিলেন, মজলে উয়া বুধে পা ভাল। হা, ভাল কথা, বড় মজাই হয়েছে কাল।” বলিয়া মোহিত খুব এক চোট হাসিয়া লইল।

ভূতনাথ তাহার হাসি দেখিয়া শঙ্কিত হইল। এতক্ষণ তাহাকে দেখিয়া যে ভয়টা হইয়াছিল, তাহার কথা শুনিবার পর সে ভয়টা দূর হইয়াছিল। কিন্তু আবার হঠাৎ গত কল্যের মজার কথা বলে কি? ভূতনাথের বুকটা গুরু গুরু কবিয়া উঠিল, গাড়ী থামাইতে বলিবে না কি! না, এক লক্ষ—

মোহিত কিন্তু সমান বলিয়া যাইতে লাগিল, “ওঃ সে যে রগড়, তোকে আর কি বোলবো ভাই। ঐ যে পুরুত মশাইয়ের ভাইপোর কথা বলছিলুম, খুড়ো না এলে আমাদের বাড়ী পূজা করতে আসে, ওকে আমাদের বাড়ীর সবাই চেনে। কাল বিকেলে লতি আমায় খুঁজতে আমার দোতালায় বৈঠকখানায় গিয়েছিল।” ভূতনাথ বলিল, “লতি কে?” মোহিত বলিল, “আমার বোন লতির। ঠা, তারপর শোন। দোতালার বৈঠকখানায় নেহাৎ জানাশুনো লোক না হলে উঠতে পায় না, একথা সে জানত। বিশেষ আমি যে ঘরে ছিলাম না, তা সে জানতো না, আর বৈঠকখানায় কারও গলার সাড়াও সে পায় নি। তাই ভাবলে আমি হয়ত অবেলায় ঘুমিয়ে পড়েছি। ঘরে পা দিয়েই দেখে সোফায় নামাবলি গায় দিয়ে পুরুতমশায়ের ভাইপো। শুনেছিল, কদিন চাকরীটার জন্তে হাঁটাইটি করছে, তাই হয়ত আমার জন্তে অপেক্ষা করছে। ওকে এরা সবাই বিষ্ণুপ্রিয়া’ বলে ঠাট্টা করে। আমাদের বাড়ীতে পূজায় একবার ওদের পাড়ার সখের খিয়েটার হয়েছিলো—ও তাতে চৈতন্যলীলায় বিষ্ণুপ্রিয়া সেজেছিল। বিষ্ণুপ্রিয়াকে ত্যাগ করবার পর বিষ্ণুপ্রিয়া চৈতন্যকে ভয় দেখিয়ে রেগে গিয়ে বলে-

নামাবলি খানা দেখেছিলেন।”

ভূতনাথ বলিল, “এঁয়া, পুরুতের নামাবলি ? বল কি ? বল কি ? মহাপাতক।”

মোহিত বলিল, “তারপর আরও শোন। আমার ঘর থেকে আমার সিন্ধের চাদর জামা আর সোনার বোতামটাও উড়ে গেল ! পুরুতমশাই শালার গায়ে সেই সিন্ধের চাদরখানাও দেখেছিলেন ব’লে মনে হ’ল। বল্দি কি, শালাকে পুলিশে ধরিয়ে দেওয়া যায় কি না !”

ভূতনাথ বলিল, “পুলিশে দেওয়া ? শালাকে পাশ পেড়ে কাটলেও রাগ যায় না। বল কি, বেটার বৃকের পাটাখানা কি বল্দি কি !”

মোহিত বলিল, “তবে চলনা, দু’জনে বিডন্ ট্রিটের খানায় যাই।”

মোহিত যাইবার জন্য উঠিয়া দাঁড়াইল।

ভূতনাথের মুখখানা আবার শুকাইয়া উঠিল। সে আমতা আমতা করিয়া কহিল “তুমিই যাও ভাই। আজ পিসীমার শরীরটে খারাপ হয়েছে, সকাল সকাল বাড়ী ফিরতে হবে।”

মোহিত বলিল, “তা যাচ্ছি বেটা পালাবে কোথায় ? পুরুতমশাই তাকে বেশ করে চিনে রেখেছেন—মতিও তার হুমানের মত মুখখানা ভুলবে না। কত খানে কত চাল বাছানকে বোঝাচ্ছি আমি—যত টাকা লাগে, পুলিশকে দোবো। উঃ বেটা ঘর সন্ধানী, না হ’লে পুরুতমশায়ের ভাইপো সঙ্গে আমার বাড়ী উঠলো কি ক’রে ? কি বলিস ?”

ভূতনাথ দুই পদ অগ্রসর হইয়া বলিল, “ঘরসন্ধানী ব’লে ঘরসন্ধানী ! তা ভাই আগে যাই।”

মোহিত বলিল, “এই নে একটা টাকা, গাড়ী ক’রে বাড়ী যাস, আমি কিছুট্রিটা হয়ে যাব। আর দেখ, কাল সকালে বাড়ী থাকিস, আমার ইঞ্জিনিয়ারের সরকার মশাই তোমার সঙ্গে দেখা ক’রে কাণটা

‘করবার আর জায়গা পাওনি বাবু ?’ উঠে পড় ত এখান থেকে ।’

বাবু বিস্মিত হইয়া বলিলেন, “বলেন কি আপনি ? আমার তাড়িয়ে দিচ্ছেন ? এলুম হিল্লী ভিল্লী হয়ে এক মুল্লুক থেকে আর এক মুল্লুকে—

পিসীমা । আমার বকবার সময় নেই বাবু ! বসতে হয় বোসো, না বসতে হয়, চলে যাও, আমি চান্নে চল্লুম । বলে—

বাবু । যাচ্ছেন যান, তবে সেকলে গিন্নীবান্নী মাকুষ, মনে করে ছিল্লুম, টোটকা টটকী জানেন, ডাক্তার কবরেছে কিছু করতে পারলে না, তা যদি—

পিসীমা । ওমা, অস্থখ হয়েছে ? কি অস্থখ বাছা ?

বাবু । অস্থখ ব’লে অস্থখ ! আহার নাই নিজে নেই, কেবল গা ভেঙ্গে ভেঙ্গে পড়েছে—

পিসীমা । ওমা, তা এতক্ষণ বল নি ! তা ঐ গিয়ে ধরনা কেন, হিফে শাগের রস আধতোলা, মধু—

বাবু । ওসব ঢের করা হয়েছে, তেতো মুখে রোচে না, খেলেই বমি ।

পিসীমা । বমি ? তা একটু ক’রে পলতার ঝোল কিংবা নিম বেগুন—

বাবু । ও সবই সমান, কিছু পেটে তলায় না ।

পিসীমা । তবে উন্টো তিকিছে—গুগুলির ঝোল, গুগুলির জল, গুগুলির চচ্চড়ি । বলে, মারে না ! মেবার হিমির বড় জারের মেজ ভারের মেজ মেয়ের ছোট নন্দের কোলের ছেলেটার ঘুরি কাসি হুয়েছিল,—কোলে চেপে ধ’রে আঙুলে তেল মাখিয়ে গলায় সঁধিয়ে টেনে তুল্লুম এক দলা কাস ! বস, ছেলে হাপ ছেড়ে বাঁচলো । যোগ আবার মারে না !

বাবু পিসীমার কথার বানে ভাসিয়া ঘাইবার উপক্রম করিয়া ছিলেন,

তাই বিশ্ববিখ্যাত নরনে তাঁহার মুখপানে তাকাইয়া তিনাই
মাইতেছিলেন। এখন অবসর পাইয়া বলিলেন,—

“আপনি কার রোগের কথা ভাবছিলেন?”

পিসীমা। তুমি কার রোগের কথা বলছিলে বাবু?

বাবু। সেটা বলিনি আগে? শুধু ত বাৎলাছিলেন অনেক—

পিসীমা। তা ব'লে দোবো না? বলে—

বাবু। শুধু কি আমার জন্মে ব'লে দিচ্ছিলেন?

পিসীমা। না ত কি আমার জন্মে? তুমি কার রোগের কথা
বলছিলে?

বাবু। রূপোর জন্মে?

পিসীমা। তা রূপোই হোক আর সোণাই হোক, শুধু ডাগর
মানুষদের একই।

বাবু! আজ্ঞে, রূপো! রূপো! রূপো ডাগর ছেড়ে খাটো মানুষও
নয় যে!

পিসীমা। তা না হোক মাঝারি মানুষ হ'লেও চলে।

বাবু। আরে বলছি, মানুষই নয়—

পিসীমা। তবে কি? মেয়ে মানুষ?

বাবু। আরে না, না, রূপো আমার মটর বাদর—ঐ থাকে
রেলভাড়া দিবে এক মূলুক থেকে—

পিসীমা। মর, মর, হতছাড়া মিনসে! যাচ্ছি শুভকর্মে—

পিসীমা রাগে রাগে গরগর করিতে করিতে বাহির হইয়া গেলেন।

বাবু অপ্রতিভ হইয়া বলিলেন, “বলি শুন, শুন—”

পিসীমা দূর হইতে বলিলেন, “দূর, দূর”

বাবু মন মরা হইয়া বসিয়া রহিলেন। কিন্তু তিনি নাছাড়বান্দা,

ভূত । মিরাতের হাজারী সরকার ?

ভদ্রলোক তখন জুতা পরিধান করিতেছিলেন । লাঠিটা লইয়া প্রশ্ন করিবার ভঙ্গীতে দাঁড়াইয়া বলিলেন, “হাঁহে ছোকরা—সে-ই ত আমার বলে দিয়েছিল কলকাতায় এসে তোমায় দেখে যেতে । আমার মেয়ের বিবাহের চেষ্টা করছি কি না,—”

ভূতনাথ আর নাই ! এ্যা, ইনি তাহা হইলে সরকার টরকার নহে, মিরাতের কনের বাপ ! কি সর্কনাশ !

হাতে হাত কচলাইতে কচলাইতে ভূতনাথ মিনতির স্বরে বলিল, “আপনি, আপনি রমানাথ বাবু ?”

ভদ্রলোকটি বলিলেন, “লোকে ত বলে তাই । হাজারী সরকার ছেলে দেখালে ভাল । তা এখন যাই, তুমি বাবু পিসীর আচল-জোড়া হয়ে বেঁচে থাক, আমার কোন আপত্তি নাই । যেমন পিসী, তেমনই ছেলে !”

রমানাথ বাবু ছুইপদ অগ্রসর হইলেন । ভূতনাথ কি বলিবে স্থির করিতে না পারিয়া হতভম্ব হইয়া রহিল । মোহিতের বাড়ীর বিছাতের আলোক তাহার অদৃষ্টে ত স্মৃতিতই না, মাঝে হইতে গৃহস্থ রমানাথের প্রদীপের আলোকও তাহার ফস্কাইয়া গেল । হায় পিসী !

শ্রীমতেন্দ্রকুমার বসু ।

—কয়াসা-প্রভাত—

অন্ন আভা রূপলী চাদর

কে দিলরে পরিয়ে তোরে ?

ও বন, তোমায় কাহার আদর

সাজিয়ে দিল এমন ক'রে ?

পাতায় পাতায় মুক্তা আঁকা

স্বচ্ছ বসন মানিক মাথা

নগ্ন তনুর অমল শোভা

উথলে ওঠে ভুবন ভ'রে ।

অন্ন আভা রূপলী চাদর

কে দিলরে পরিয়ে তোরে ?

কোন বিরাগে, নয়ন আগে

ওড়না ওড়াও মুখটা ছেয়ে

কার অশ্রুবাণ, ও বন-ভাগ

ক'রুলে তোমায় ছুঁই মেয়ে ?

তাই কুয়াশার আবছায়াতে

দিন করো রাত কোন মায়াতে

সরম ভ'রে গোপন র'য়ে

ওই উঁকিতে দেখেছে চেয়ে !

কোন বিরাগে, নয়ন আগে

ওড়না ওড়াও মুখটা ছেয়ে ?

শ্রীলীলা দেবী ।

-অশ্রুজলের পদ্য—

* * *

কিছু দিন ধরে' অজীর্ণ রোগে ভুগে' অনন্ত বাবুর শরীর ক্রমশঃই ধারাপ হয়ে আসছিল। প্রোড়ত্বের মীমা ছাড়িয়ে এলেও এতদিন তাঁর শরীর বেশ ভালই ছিল; কিন্তু যেদিন থেকে তাঁর স্ত্রী, স্বামী ও একমাত্র মেয়ে সৃজাতাকে রেখে উঠলোকের মায়া কাটিয়ে অজ্ঞাত লোকে প্রস্থান করলেন, সেদিন থেকে তাঁর শরীরের ওপর যেন শনির দৃষ্টি পড়ল। প্রথম কিছুদিন শুধু জ্বর, পরে সর্দি কাসী ও বুকজলা শুরু হয়ে' ক্রমে তা' অজীর্ণ রোগে পর্যাবসিত হ'ল। অনন্ত বাবুর স্নহ ও সবল মেহ শীর্ণ ও নত হয়ে' পড়ল; কাঁচা মেনার মত গায়ের রং ঝরা পাতার মত কালো হয়ে এল, বুদ্ধির আভায় প্রদীপ্ত চোখ দুটি ভোর বেলাব চাঁদের মতই হয়ে এল দীপ্তিহীন, ম্লান।

ডাক্তারেরা বায়ু পরিবর্তন করবার পরামর্শ দিচ্ছিলেন। যাই যাই করেও কিন্তু অনন্ত বাবুর যাওয়া আর ঘটছিল না। এর কারণ—পয়সা তাঁর অগাধ থাকলেও বিলাসী তিনি ছিলেন না মোটেই এবং বিলাসীদের মত স্নহ ও অস্নহ, উভয়াবস্থাতেই হাওয়া পরিবর্তন করে' তাঁর জীবন কাটেনি। আর এই কারণেই হাওয়া পরিবর্তনের উপযোগী স্থান গুলির সঙ্গে তাঁর পরিচয়ই ছিল না। তাই কোথায় যে যাবেন—এই নিয়েই তিনি মুঞ্চিলে পড়েছিলেন। তাঁর অসুস্থত্বিত্তে বিষয় সম্পত্তি দেখবার কি ব্যবস্থা করা যায়—এও একটা মুঞ্চিল হয়ে

পরিবর্তনের সঙ্কল্প যে তিনটি সমস্যার জন্তে কার্যো পরিণত হ'তে পার ছিল না—সেই সমস্যা এদের প্রধানটিরই সমাধান হ'য়ে যাওয়ার তিনি যেন বেশ স্বচ্ছন্দতা অনুভব করতে লাগলেন। মুখে বার কতক—
আমার এ শরীর গেলেই বা কি থাকলেই বা কি, বললেও তৃপ্তির আভায় যে তাঁর রোগ-শীর্ণ মুখখানি জল্ জল্ করছিল, পিতার মুখের দিকে তাকিয়ে একথা বুঝতে সূজাতার একটুও দেরী হ'ল না।

অনন্ত বাবুর অবিভ্রান্ত চুলগুলি হাত দিয়ে ঠিক করে' দিতে দিতে সে বললে, তা' হ'লে কালই ডাক্তার বাবুকে বলবো বাবা। দেখি উনি কোথায় যেতে বলেন।

সূর্য্য অস্ত গেছে ; সন্ধ্যার আঁধার ঘনিড়ে আসছিল। সূজাতা বারান্দা থেকে অনন্তবাবুকে নিয়ে গিয়ে ঘরে শুইয়ে দিলে। অন্তদিন এমনি সময় রুগ্ন পিতার কাছে বসে' বই পড়া কিম্বা গান শোনানো সূজাতার নিত্য নৈমিত্তিক কাজের মধ্যে হ'য়ে দাঁড়িয়ে ছিল। কিন্তু তার বন্ধুদের অনেকগুলি চিঠি অনেক দিন হ'ল এসে পড়ে' রয়েছে ; সমস্যাভাবে সেগুলির জবাব দেওয়া হয় নি। চিঠি গুলোর যেমন করেই হোক আজই জবাব লিখে' ফেলবে, এই সঙ্কল্প করে' সূজাতা তার পড়বার ঘরে গিয়ে ঢুকল।

সূজাতা অনেকদিন এ ঘরে আসেনি.....ধূলো আর জঞ্জালে ঘরটা ভরে' গেছে ; টেবিলের বইগুলো এলো মেলো হ'য়ে পড়ে আছে ; ছবি গুলোর ওপর মাকড়সা জাল বুনেছে। অনেক দিন পরিষ্কার না করলে ঘরের যেমন রূপ হয়ে থাকে—তেমনি। একদিনে ঘরটি পরিষ্কার করে' ফেলা অসম্ভব মনে হ'লেও সূজাতা দম্বল না। আঁচলটা কোমরে জড়িয়ে, এলানো চুল গুলিতে একটা এলো খোঁপা বেঁধে সে ঘর পরিষ্কার করতে শুরু করে' দিলে। অল্পক্ষণের মধ্যেই ঘরটা বেশ

খানিকটা সাফ হ'য়ে গেল। টেবিলের ওপর ছড়ানো বই গুলি তাদের যথা নির্দিষ্ট আসন গ্রহণ করলে : সেল্ফ এর ধূলো পড়া মলিন বই গুলি চক্ চক্ করে' উঠল ; ছবির ওপর থেকে গর সঙ্গার তুলে মাকড়সার দলও ধীবে বিদায় নিলে। এতক্ষণ ঘরটাকে এক জ্বা-গ্রহ বৃক্ষের মত কদাকার লাগছিল, এখন মনে হতে লাগল এ যেন বিচিত্রবরণা এক যোড়শী তরুণী।

ঝাড়া পোছা করতে করতে সূজাতা শ্রান্ত হ'য়ে পড়েছিল। তার ছোট্ট কপালটি মুক্তা বিন্দুর মত শুভ্র ঘন বিন্দুতে ভরে' উঠেছিল। একটু খানি বিশ্রাম নেবার সঙ্কল্প করে' তাই সে পশ্চিম ধারের জান্নার পাশে এসে দাঁড়ালো... জান্নায় দাঁড়াতেই স্নেহময়ী মাতার মত বাতাস এসে তাব সর্কাজ চূহন করতে লাগলো। আরাম বোধ করে' মাথার চুলগুলি এলিয়ে দিয়ে অলস দৃষ্টি মেলে সূজাতা বাস্তার দিকে তাকালো। কখন নিঃশব্দে এক পশলা বৃষ্টি হ'য়ে গেছে। জলে-ভেজা পিচ-মোড়া বাস্তা গ্যাসের আলোয় চক্ চক্ করছে। আকাশে চাঁদ নেই, ছেঁড়া ছেঁড়া কালো মেঘে সারা আকাশ ভরা। অদূরে একটা সুউচ্চ নারকোল গাছ অন্ধকারে দৈত্যের মত আকাশের দিকে মাথা উঁচু করে নীরবে দাঁড়িয়ে আছে।

সূজাতা তন্নয় হ'য়ে বাইরের এই আলো-ছায়াময় রূপটি দেখতে লাগলো। কখন সে তার ঘরের দরজায় অনন্তবাবুর বন্ধু পুত্র শৈবাল এসে দাঁড়িয়েছে তা' সে জানতেও পারে নি। শৈবালের মেকী কাসীর শব্দে মুখ ফিরিয়ে সূজাতা তাকে দেখতে পেলো। শৈবাল তাদের প্রতিবেশী। অনন্ত বাবুর বন্ধু পুত্র হিসেবে এ বাড়ীতে তার অবাধ গতি। দিনান্তে এক বাবু এ বাড়ীতে আনা ছিল তার নিত্য কর্মের অঙ্গভুক্ত। বিশ্ব বিদ্যালয়ের উপাধী ধারী হলেও শৈবাল মোটেই

শৈবালের মনে হল যাকে দেখে কবির লেখনী থেকে এই কথাটি
 বেরিয়ে এসেছিল, সেই বুঝি তার সামনে মূর্ত্তিমতী হয়ে এসে দাঁড়াল ।
 টেবিলের ওপর বইটা ফেলে শৈবাল বললে, আহ্নন, অনন্ত বাবু আজ
 কেমন আছেন ?

সত্ত ফোটা কতকগুলি গোলাপ ফুল কিছুক্ষণ আগে মালী ঘরে
 রেখে গিয়েছিল । ফুলগুলি একটা জাপানী ফুলদানীতে সাজাতে
 সাজাতে সূজাতা বললে,—সেই একই রকম । ডাক্তার বাবু বলছিলেন
 চেঞ্জ না গেলে এর আর উপশম হবে না । আমরা বোধ হয় শীঘ্রই
 চেঞ্জ যাব ।

শৈবাল বললে—কবে ? আমি তো কিছু শুনিনি ।

সূজাতা বললে,—কবে তা' এখনো ঠিক হয়নি তবে শীঘ্রই ।

পাশের ঘরে অনন্তবাবুর গলা খাঁকারির শব্দ পেয়ে সে সচকিত
 হ'য়ে বললে—বাবা উঠেছেন । আপনি কি বাবার সঙ্গে দেখা
 করবেন ?

নাঃ ! রাত্রিতে আর ওঁকে বিরক্ত করব না—আমি আজ আসি,
 নমস্কার ! এই বলে শৈবাল উঠে দাঁড়াল । গান শোনা ও চা খাওয়া
 ছুটোর কোনটাই না মেলায় এবং এত সস্তর সূজাতা তাকে বিদায়ের
 ইঙ্গিত করায় তার মনটা অপ্রসন্নতায় ভরে' উঠেছিল । সিঁড়ী দিয়ে
 নামতে নামতে সে মনে মনে বললে,—তোমার ও তোমার টাকার
 লোভেই আমার এ বাড়ীতে আসা । ও বুড়োকে দেখবার জন্যে আমার
 বিন্দুমাত্রও আগ্রহ নেই । কবে যে অর্ধেক রাজত্ব আর সূজাতা রাজ
 কুমারী লাভ করবো !

*

*

*

ভাস্কারের পরামর্শ মত ঠিক হ'ল, অনন্তবাবু বায়ু পরিবর্তন করতে দেওঘর যাবেন। জায়গাটা কলকাতা থেকে বেশী দূরেও নয় অথচ স্বাস্থ্যপ্রদ। যাবার আয়োজন শুরু হল। অনন্তবাবুর চেয়েও সৃজাতার উৎসাহ দেখা গেল অনেক বেশী। কারণ বাইরে যাবার সৌভাগ্য সৃজাতার জীবনে' কখনো ঘটেনি। ধূম কলকিত কোলাহল-মূখরিত কলকাতাতেই তার জীবনের উনিশটি বছর একাধিক্রমে কেটে এসেছে। প্রকৃতির সৌন্দর্য উপভোগ করবার সৌভাগ্য বাস্তব জীবনে তার কখনো ঘটে উঠেনি। তাই Sweet is the lore which nature brings কথাটি কার্যে পরিণত করিতে তার আনন্দ ও উৎসাহের আর অন্ত রইল না।

সৃজাতাদের দেওঘর যাওয়া স্থির শুনে শৈবাল অনন্তবাবুর সঙ্গে দেখা করতে এল। মাতের ক'দিন সে আর আসেনি। সৃজাতাকে স্ত্রী রূপে পাবার কল্পনা করলেও, অনন্ত বাবু ও সৃজাতার দিক থেকে সে এমন কিছু আভাস পায়নি, যাতে তার কল্পনা সফল হতে পারে। তাই সে বিরক্ত হয়ে উঠেছিল এবং এ বাড়ীতে আসাও কমিয়ে দিয়েছিল অনেক। অথচ একেবারে না এসেও সে থাকতে পারতো না।... অর্ধেক রাজত্ব ও সৃজাতা রাজকুমারীর লোভ সে তখনো একেবারে ছাড়তে পারেনি।

বিছনার ওপর আধশোয়া অবস্থায় বসে' অনন্তবাবু হলকেনের একখানি বই পড়ছিলেন। ইংরাজী উপন্যাস পড়া ছিল তাঁর বাতিক। এই অসুস্থ শরীরেও অনেক রাত পর্যন্ত তিনি উপন্যাস পড়তেন। অবশ্য সৃজাতার সামনে নয়; সে দেখতে পেলেই বই রেখে আলোটি

ছবির মত সুন্দর, এই বাড়ীটি দেখে সজ্জাতার ভারী পছন্দ হ'ল। দরওয়ান ও ভৃত্যের সাহায্যে সে তার ছোট্ট সংসারটী মোটামুটি রকম গুছিয়ে তুললে। পিতার শোবার ঘরটি সে ঠিক করলে রাস্তার ধারের ঘরটিতে হবে। এ ঘরে আলো হাওয়া র রাজত্ব, ফুলের গন্ধ এ ঘরে সর্বদাই মাখানো। পাশের ছোট ঘরটি সজ্জাতা তার পাঠাগার করবার জন্তে মনোনীত করে নিলে। নতুন দেশে নতুন বাড়ীতে নতুন আব-হাওয়ার মধ্যে এসে পিতা পুত্রীর জীবন-ধারা স্মৃতি-স্বপ্নের মত ই উপভোগ্য হয়ে স্বীল গতিতে ব'য়ে চললো।

*
* * *

পূর্ণিমার রাত। সারা পৃথিবীর ওপর নিঃশব্দে জ্যোৎস্নার প্রাবন বইছে। আকাশ নির্মেষ, নীলোজ্জল; বাতাস সুরভি-স্নিগ্ধ; চারধার নিস্তক নিষ্কুম। শুধু বৃক্ষ পত্রের স্মর ধ্বনি মাঝে মাঝে সেই নিস্তকতাকে সচকিত করে তুলছে।

অনস্তবাবু অনেককণ ঘুমিয়ে পড়েছেন। সজ্জাতাও শয্যা গ্রহণ করেছিল, কিন্তু ঘুম না হওয়ায় ছাদের ওপর এসে সে পায়চারী করছিল। বাতাসে মাঝে মাঝে তার মাথার চূর্ণ অলকগুলি মুখের ওপর এসে এসে পড়ছিল, চাঁদের আলোর বাণের-হীরক দুলটা বিক্ মিক্ করে উঠছিল। আনুমনে সে পায়চারী করে' চলেছে।

হঠাৎ বেহালার উদাস-মধুর সুর-বন্ধার কাণে আসতে সজ্জাতা বিস্মিত হয়ে যিরে তাকালো। সামনে শাদা রংয়ের ছোট্ট একটা বাড়ী — চাঁদের আলোর ওজ্র স্বপ্নের মত দাঁড়িয়ে আছে। সজ্জাতার মনে হ'ল বেহালার সুরটা যেন সেই বাড়ী থেকেই ভেসে আসছে। বুঝি কোন বিরহী তরণ বাঙাচ্ছে! নইলে সুরের মীড়ে হাসি কান্নার এমন

একত্র সমাবেশ কেমন করে সম্ভব হবে। অতীতের মিলন-ঘন দিনগুলি স্মরণ করে বেহালার স্মরে হাসির ঝরণার সঙ্গে বিরহের ব্যথা স্নান দিনগুলির অশ্রুর ঝরণা বয়ে চলেছে।

দিনের আলোয় এই বাড়ীটি অনেকবার সূজাতার চোখে পড়েছে। বাড়ীটি তার ভারী ভাল লাগতো। সূজাতার কাছে এটা বাড়ী বলে মনে হ'ত না.....এ যেন নিপুণ চিত্র করে অঁকা একখানি ছবি—মাটির ওপর দাঁড় করানো আছে।

অবসর পেলেই আপনার জানালায় দাঁড়িয়ে সূজাতা এই বাড়ীটির দিকে চেয়ে থাকতো। জান্না দরজা বন্ধ দুধের মত সাদা রংয়ের এই বাড়ীটি তার কাছে একটা রহস্যময় জগৎ এর মতই ঠেকতো। তার মনে হত বাড়ীটি যেন ঘূমের দেশের রাজকন্টার নীড়.....এর ভেতর রাজকন্টা ঘুমিয়ে আছে।

যাকে ভিত্তি করে' সূজাতা তার মনের মধ্যে একটা কল্পনা জগৎ তৈরী করেছিল হঠাৎ সেই বাড়ী থেকেই বেহালার বন্ধার শুনে সে পরম বিস্ময় অনুভব করলে। দেওঘরে আসা থেকে আজ পর্যন্ত এ বাড়ী বন্ধই দেখে এসেছে; মনুষ্য বাসের কোন চিহ্নই তার চোখে পড়েনি। রাজকন্টার ঘুমন্ত নীড় রাজপুত্রের সোনার কাঠির ছোঁয়ায় কখন আবার সন্ধিৎ পেল—জান্নার জন্তে সে কৌতূহলী হয়ে উঠল। বিশেষ চেষ্টা করে তার চোখ পড়ল বাড়ীর বন্ধ দরজা জান্নাগুলো সব খোলা আর মাঝে মাঝে ছোট ছেলের কলরব বাতাসে ভেসে আসছে। এ ছাড়া আর কিছু সে দেখতে কিংবা শুন্তে পেল না।

বেহালা শুন্তে শুন্তে সূজাতা মনের মধ্যে কল্পনার জাল বুনে চল্লো। হয় তো কোন তরুণ কবি—টাদের আলোয় উদাস হয়ে বেহালা বাজাচ্ছে। হয় তো এক বিপ্লবীক প্রৌঢ়—প্রেম-স্বর্গলোকে

অনেক বেলা হ'ল ; তবুও অনন্ত বাবু ফিরলেন না দেখে স্জাতার উদ্বেগ ক্রমে ভয়ে পরিণত হ'ল । দরওয়ানকে পিতার খোঁজে পাঠাবার সঙ্কল্প করে' সে যেই এগুতে যাবে, এমনি সময় পথের দিকে দিকে তার চোখ পড়ল । সরীসৃপের মত এঁকা বঁকা পথটি দিগন্তে গিয়ে মিশিয়ে গেছে । অনেকদূরে অনন্ত বাবুকে আসতে দেখা গেল । তিনি একলা ন'ন—তাঁর সঙ্গে একটি তরুণ যুবক আসছে । স্জাতা আশ্চর্য্য হয়ে দেখলে যে, অনন্ত বাবু ঠিক স্বাভাবিকভাবে আসছেন না ...কেমন যেন খুঁড়িয়ে খুঁড়িয়ে আসছেন আর সেই তরুণ যুবকটি তাঁকে ধরে আছে । স্জাতা ভীত ও বিস্মিত হ'য়ে স্থাগুর মত দাঁড়িয়ে রইল । হাতের বইখানি কখন যে নিঃশব্দে তৃণ-শয্যা গ্রহণ করলে তা' সে জানতেও পারলে না । শরৎ-প্রভাতের মায়াময় রূপটি মুহূর্ত্তেই তার কাছে বরাফুলের মত ম্লান হয়ে এল ।

অনন্ত বাবু যখন একেবারে বাড়ীর কাছে এসে পৌঁছেছেন তখন তাঁর পায়ের দিকে স্জাতার নজর পড়ল । তাঁর বা পায়ের জুতো নেই এবং তা'তে একটা রুমাল বাঁধা ; রক্তে রুমালটি লাল হয়ে উঠেছে ।

অপরিচিত তরুণ যুবকটি স্জাতাকে লক্ষ্য করেনি । হঠাৎ নারী কণ্ঠ-ধ্বনি শুনে সে মুখ ফিরিয়ে তাকালো । স্জাতা তখন পিতার দিকে চেয়ে ব্যাকুল ভাবে প্রশ্ন করছিল, তোমার পায়ের কি হ'ল বাবা ?

তরুণ যুবকটি স্জাতার দিকে মুগ্ধ দৃষ্টিতে তাকিয়ে রইল । ঘোবনের সোণার কাঠির ছোঁওয়ায় মুকুলিত হয়ে ওঠা তরুণীর কমলীয় ঘোবন-শ্রী দেখে তার যেন হঠাৎ নেশা ধরে' গেল ।

আশঙ্কা ব্যাকুল হীরার মত জলজলে চোখ, শিশির-সিক্ত পদ্মের মত স্নিগ্ধ পবিত্র মুখখানি, দাঁড়াবার সুন্দর ভঙ্গী, নিঃশ্বাস পতনের তালে তালে ছলে'-ওঠা পরণের নীলাম্বরী শাড়ীখানির শিহরণ দেখতে দেখতে

সে একেবারে তগ্ন হ'য়ে পড়ল। তার এই অগ্নিক তগ্নতা হঠাৎ ভেঙ্গে গেল অনন্তবাবুর কথার শব্দে। অনন্তবাবু তখন সূজাতাকে বলছিলেন—আজ বড্ড বেঁচে গেছি মা। অন্ধকারে ভাল দেখতে পাইনি একখানা পাথরে পা আটকে যাওয়ায় ছমড়ী খেয়ে একেবারে পড়ে গেহনুম। ভাগ্যিস ইনি ছিলেন; নইলে হয়তো অজ্ঞান হ'য়ে পড়েই থাকতে হ'ত। এই বলে যুবকটির হাতে অল্প চাপ দিয়ে বললেন,—এই আমার বাড়ী; চলুন—ভিতরে চলুন; আপনি না থাকলে আজ আমার কি হ'ত কে জানে। অনন্তবাবু যুবকটির হাত ধরে' বাড়ীতে নিয়ে আসতে লাগলেন আর সূজাতা কৃতজ্ঞতা ভরা চোখে তা'কে অভ্যর্থনা করতে লাগলো। এতক্ষণ যুবকটিকে সূজাতা ভাল করে' লক্ষ্য করেনি—পিতাকে নিয়েই যে ব্যস্ত হ'য়ে পড়েছিল। এতক্ষণ পরে যুবকটিকে দেখে তার ভারী ভাল লাগলো। লম্বা কর্মা তরুণ যুবা; বয়স তেইস কিয়া চব্বিশের বেশী হবে না! মাথায় ধোঁয়ার মত স্নিগ্ধ কালো দীর্ঘ চুল; মুখ-শ্রী তরুণীর আননের মত লাবণ্যমণ্ডিত। পায়ে তার বার্শ্বস চটা, গায়ে একটা গেরুয়া রংয়ের খদরের পাঞ্জাবী। আড়ম্বর-হীন সরল বেশভূষা—কিন্তু এতেই তা'কে ভারী চমৎকার মানিয়েছে। চোখ দু'টা যেন কোন স্বপ্নের আভায় জল্ জল্ করছে।

অনন্তবাবু ঘটনা অনুভব করে দাঁড়াতেও পাচ্ছেন না এবং যুবকটিকে ছেড়েও দিতে পারছেন না...তার এই উভয় শব্দট লক্ষ্য করে' সূজাতা এগিয়ে গিয়ে পিতার হাত ধরলে। সূজাতার কাঁধের ওপর ভর দিয়ে অনন্তবাবু বাড়ীর দিকে অগ্রসর হলেন ও সূজাতা ও অনন্তবাবুর যুক্ত আহ্বানে যুবকটি দীরে তাদের অনুসরণ করে' চললো। কেবলমাত্র আহত অনন্তবাবুকে বাড়ী পৌঁছে দেবার সঙ্কল্প নিয়ে এলেও যুবকের সঙ্কল্প অটুট রইল না। অনন্তবাবুর সাদর আহ্বান প্রত্যাখান করে' বাড়ীর সামনে

শুণও সুন্দর—সে চমৎকার কবিতা লিখতে পারে আর বেহালা ও বাঁশী বাজাতে সে সিদ্ধ হু—তখন অনন্ত বাবু তার প্রতি বিশেষ ভাবে আকৃষ্ট হ'য়ে পড়লেন ; আর সুজাতার মনো-মন্দিরে তার উদ্দেশে একটি শ্রদ্ধার ফুল চির তরে নিবেদিত হ'য়ে গেল ।

আবার বিকেলে আসবার প্রতিশ্রুতি দিয়ে কিশলয় বাড়ী ফিরলো । সামনেই বাড়ী...ফিরতে ছ' মিনিটও লাগে না । অকারণ সুখে কিশলয়ের বুক ভরে উঠেছিল, তখন বাড়ী ফিরতে তার ইচ্ছা হ'ল না । শুন্ শুন্ করে' একটা গানের সুর ভাঁজতে ভাঁজতে নদীর দিকে সে পা চালিয়ে দিলে । নদীর তীরে অনেকক্ষণ বেড়িয়ে যখন সে বাড়ী ফিরল...ফুলের মত কোমল রোদ তখন আঙনের মত প্রখর হয়ে উঠেছে এবং তার ফিরতে এত বেলা হচ্ছে দেখে তার দাদা ও বৌদি উৎকণ্ঠিত হয়ে অপেক্ষা করছেন ।

*

* *

কলেজে Straight Forward বলে' কিশলয় নাম কিনেছিল । কোন কিছু চাঁদা আদায় কিংবা ছুটির দরপাস্ত নিয়ে প্রিন্সিপ্যালের কাছে যাওয়া, এ সব বিষয়ে সে ছিল অগ্রণী । প্রফেসররা তাকে ভাল বাসতো, সতীর্থরা তা'কে শ্রদ্ধা করতো ; বিনিময়ে তাঁর মধুর ব্যবহার সবাইকে তৃপ্তি দিত । ধনীরা ছেলে হলেও দান্তিকতা ছিল কিশলয়ের সম্পূর্ণ অজানা ; সবার সঙ্গে সমান হয়ে মেশবার ক্ষমতা ছিল তার অদ্ভুত ।

পিতামাতাকে কিশলয় বিশেষর ব্যয়সেই হারিয়েছিল কিন্তু দাদা ও বৌদির স্নেহ যত্নে পিতামাতার অভাব অনুভব করবার তার সুযোগই ঘটেনি ।

অন্যবারের মত এবারেও ইষ্টারের ছুটিতে দেওঘর আসা কিশলয়দের বাদ গেল না। দাদা বৌদি ভাইবোনের আশ্রয় আর একরাশ ইংরাজি বাংলা নভেল নিয়ে, কলেজ বন্ধ হওয়ার সঙ্গে সঙ্গেই কিশলয় দেওঘরে এসে হাজির হ'ল।

কিশলয় ছিল কবি। নামেই নয়, সত্যিই সে ভাল কবিতা লিখতে পারতো। কলকাতায় তার লেখা বেশী এগুতো না; তার উৎকৃষ্ট কবিতাগুলি সে দেওঘরে বসেই লিখেছে। ছবির মত সুন্দর শব্দ-ধবল দেওঘরের এই ছোট্ট বাড়ীতে এলে পর—কল্পনা রাণীর কৃপা-রসে তার দেহ মন অভিষিক্ত হয়ে উঠে। তাই কোলা-হল-মুখরিত ধূম-কলঙ্কিত কলকাতা ছেড়ে অবসর পেলেই দেওঘরে আসবার জন্তে তার মন উন্মুখ হয়ে প্রতীক্ষা করত।

দেওঘরে এসে কিশলয় অতি প্রত্যাশে প্রাতর্ভ্রমণ করে। এবারে এসেও সে প্রাতর্ভ্রমণ ছাড়লে না। সকালের আলো ভাল করে ফোটেনি, পাখীদের ঘুম ভাঙেনি, আকাশের বুকে তারার বাতি জ্বালানো...এমনি সময় সে বেড়াতে বার হ'ল। সরীসৃপের মত এঁকা বেকা পথগুলো চারদিকে ছড়ানো...তার-ই একটা পথ ধরে কিশলয় নদীর দিকে এগিয়ে চলল। অন্ধকার ভাল করে কেটে না যাওয়ায় পথঘাট ভাল দেখা যাচ্ছে না। নদীর তীরে পৌঁছিয়ে কিশলয় দেখলে অত ভোরেও এক প্রোড় নদীর তীরে পায়চারী ক'রে বেড়াচ্ছেন। একেবারে নদীর শেষ প্রান্তে গিয়ে পৌঁছবার উদ্দেশ্যে কিশলয় এগিয়ে চলল। হঠাৎ এক অশুভ আর্ন্তনাদের ধ্বনি কাণে আসতে সে বিস্মিত হয়ে পিছন ফিরে তাকালো। নদীর অসমতল তট-ভূমিতে বড় বড় অনেক পাথর পড়ে আছে। অন্ধকারে একটা পাথরে পা আটকে গিয়ে প্রোড় ভ্রলোকটি পড়ে গেছেন এবং

হাতে নিয়ে কিশলয় বাড়ীর সামনের Compoundএ এসে বসল। পড়বার ইচ্ছা নিয়ে এলেও পড়তে ইচ্ছা তার মোটেই ছিল না। তাই হাতে-রাখা মোড়া বই মোড়াই রয়ে গেল; ছপুরের তাঁর রৌদ্র রঞ্জিত গাছ পালার শিহরণ দেখতে দেখতে সে নানা কথা ভাবতে লাগলো।

তারা ব্রাহ্ম অনন্তবাবুরা ব্রাহ্মণ। উভয় পরিবারের মধ্যে যে কোন রকম লৌকিক ক্রীয়া চলতে পারে না এ কথা যে কিশলয় জানতো না তা নয় তবুও অনন্তবাবুর কাছে সে সূজাতাকে বিবাহ করবার প্রস্তাব করেছিল। তার ধারণা ছিল যিনি মেয়েকে এত বয়স পর্যন্তও অবিবাহিতা রেখে লেখাপড়া শেখাচ্ছেন তার মন বোধ হয় তুচ্ছ জাতির পাতির মোহে আর সংস্কারগ্রস্ত হয়ে নেই। উপযুক্ত কন্টার যে একটা দাবী আছে একথা তিনি বোধ হয় নিশ্চয়ই মানবেন। তাই সূজাতার সম্মতি নিয়ে কিশলয় অনন্তবাবুর কাছে সূজাতাকে বিবাহ করবার প্রস্তাব করেছিল। অনন্তবাবু মনের মধ্যে যে একেবারে গোঁড়া ব্রাহ্মণ—এ কথা তার জানা ছিল না। তার প্রস্তাব অগ্রাহ্য হ'ল; কিশলয়ের তরুণ জীবনের প্রথম প্রেম-নিবেদন পালা সূফর প্রথমেই আহত হয়ে ফিরে এল।

কিশলয় তন্নয় হয়ে এই সব কথাই ভাবছে এমনি সময় তার বৌদি প্রীতিকা এসে সামনে দাঁড়ালেন। কিশলয়ের চিন্তা-ক্লিষ্ট মুখের দিকে তাকিয়ে বললেন,—চিক্রাকে বিয়ে করবার জন্তে যখন সাধলুম তখন কি না বাবুর বলা হ'ল এখন বিয়ে করবো না। তিনমাস পরেই এমনি হ'ল যে বাবু একেবারে বিয়ে করবার জন্তে ক্ষেপে উঠলেন। বাঃ বাঃ ঠাকুর পো বাঃ!

কিশলয় একটু গম্ভীর হয়ে বললে,—কেন আমি কি বলিনি মনের

বাহির আমার পিছন হ'ল কাহার চোখের জলে ।

স্মরণ ততই বারণ জানায় চরণ যতই চলে ।

পার হ'তে চাই মরণ নদী

দাঁড়ায় কে গো দুয়ার রোধি,

আমায়—ওগো বে-দরদী

ফেলিলে কোন ফাঁদে ॥ *

এক টুকরো কালো মেঘে চাঁদের আলো বন্দী হয়ে যেতে সারা' পৃথিবীর ওপর একটা স্নান ছায়া ছড়িয়ে পড়ল ; বাতাস একটু শীতল হ'য়ে এল । বেহালা বাজতে লাগল আর ছাদের আলিসায় ছ' হাতের মধ্যে মুখ গুঁজে সূজাতার চোখে অবিশ্রান্ত অশ্রু-ধারা বয়ে চললো ।

শ্রীঅমিয়কুমার

* এই গানটি কবি নজরুল ইসলাম রচিত ।

-শরতের গান-

এই শঙ্খ-ধবল আলোর রেখা
শরত-আকাশে
হৃদয়-ডালি সাজায়ে দেয়
বকুল-পলাশে ।

এই শুভ্র-অমল রবির কিরণ
মেঘের গায়ে গলায় হিরণ
অলোক লোকের বারতা সে
বিশ্বে প্রকাশে ।

এই শরত আলো নেব আমি
বক্ষে
অরূপ তাঁহার রূপ-মাধুরী
চক্ষে ।

এই শরতেরি ফুলের রাশে
শিশির সজল ঘাসে ঘাসে
নৃত্য করি ফেরেন ঠাকুর
আনন্দে উল্লাসে ॥

শ্রীনির্মল চন্দ্র বড়াল।

—ভবিতব্য—

বসন্তের মৃদু হিলোল থেকে থেকে পল্লীখানার বুকের ওপর শান্তির অমিয় ধারা ঢেলে দিচ্ছিল। গাছে গাছে কোকিলের কুহতান, ঝোপের আড়ালে দোয়েল, পাপিয়ার কমনীয় কণ্ঠ, চৈত্রের অপরাহ্নটিকে অতি মনোরম করে তুলেছিল। বারোয়ারী তলায় ছেলের দল একটা থিয়েটারের রিহাসেল দিতে উঠে পড়ে লেগে গেছে। তারি অন্দরে একটা ভাঙ্গা আটচালায় তক্তাপোষের ওপর বসে নিষ্কর্মা গ্রামবাসীরা তাস, পাসা, দাবা খেলার ফাঁকে মাঝে মাঝে পরনিষ্কারুপ সদালাপে মঙ্গলিম গুল্জার করে তুলেছিল।

এই সময়ে ঘোষাল বাড়ীর ঘোষাল গৃহিণী কন্টার বিয়ের জন্ত সিঁড়ির ওপর আল্পনা দিতে লেগে গেছেন। তাঁকে ঘিরে বসেছিল পাড়ার ষত অকর্মা কুমারী মেয়েগুলি।

এ বিষয়ে কন্টার নিকট একটু সাহায্য পাবার আশায় ঘোষাল গৃহিণী সাধনাকেও ধরে কাছে বসিয়েছেন। নত মস্তকে নীরবে বসে সে মায়ের আদেশ পালন করে যাচ্ছিল। হঠাৎ ছোটবোন কুস্তলা এসে তার কানের কাছে অকুচ্ছবরে বললে, দিদি বাগানে আসবে, অনেকগুলো ভাল আমের সন্ধান করে এসেছি। কথাটা মায়ের কাণেও পৌঁছে গেল। তিনি কন্টার দিকে ফিরে বললেন, এই পড়ন্ত ঝোঁদে আম বাগানে গিয়ে হৈ চৈ করতে হবে না, যা কাজ কর্ছিস্ কর। কিন্তু রসনা-কচিকর অপক ডাঙ্গা আমগুলির লোভ সঘরণ

অপূর্ব শ্রী ধারণ করেছিল। দূর থেকে একবার তার দিকে মুগ্ধ দৃষ্টিতে চেয়ে লগ্নি হাতে শচীনাথ ধীরে ধীরে সেখানে এসে উপনীত হ'ল।

প্রতিবাসী হলেও শচীনাথের সঙ্গে ঘোষাল বাড়ীর খুব ঘনিষ্ঠ আত্মীয়তা ছিল, এ বাড়ীর যেখানে সেখানে তার অব্যাহত দ্বার, তা জানা সত্ত্বেও হঠাৎ কোমর বাঁধা অবস্থায় তার সামনে পড়ে যাওয়ার সাধনা অত্যন্ত বিরক্তিভরে সবেগে হাতের বাধারিখানা ছুতলে নিক্ষেপ করে, একটা ঝোপের মধ্যে সরে গেল।

কুস্তলা ঝোপের কাছে গিয়ে উঁকি দিয়ে দেখলো, ত্রস্তে সে কাপড় ছিঁয়ে পরছে। সে কৌতুকভরা হাস্তে বলে, অত লজ্জা কেন গো, শচীদা কি তোমার বর, এসো না দিদি। এ কথার সাধনা ক্রুদ্ধ হয়ে বেরিয়ে এল এবং সজোরে তার গাল টিপে দিয়ে বললে, আ মরণ লক্ষীছাড়া মেয়ে, কথার ছিঁরি দেখনা।

বেদনার কুস্তলা আর্তনাদ করে উঠলো।

—বল আর বলবি না কখনো ও কথা।

হঠাৎ গালের ওপর টিপুনি খেয়ে কুস্তলার রাগ ধরে' গিয়েছিল। খানিকটা দূরে সরে গিয়ে হুটামীমাথা হাস্তে অধর রঞ্জিত করে তাই সে বললে—বলবো—বলবো—বলবো।

—ফের! দাঁড়া দেখাচ্ছি।

গমনোদ্যতা সাধনার গতিরোধ করে দাঁড়িয়ে শচীনাথ কৌতুক হাস্তভরা গভীর দৃষ্টিতে তার দিকে চেয়ে বললে—“ওকে তুমি কিছুতেই টিট করতে পারবে না সাধন। বগড়া করে মিছে সময় নষ্ট না করে মল বরঞ্চ আম তলার যাই আমরা।

দূর থেকে কুস্তলা আবার চোঁচিয়ে বললে, বাওনা গো, বর তাবুছে—অমন চুপটি করে দাঁড়িয়ে আছ কেন?

নিফল কোধে সাধনার মুখ আগুনের মত লাল হয়ে উঠল আৰ কোন্ অনাগত দিনের কথা স্বরণ করে' শচীনাথের মুখ ভোরের শুকতারার মতন জল্ জল করতে লাগলো।

(২)

সন্ধ্যা পর্যন্ত আম বাগানে ছোটোপাটি করে' শচীনাথ যখন বাড়ী ফিরলো, তখন তার দেহ মন কি যেন এক গভীর চিন্তাভারাক্রান্ত হয়ে উঠেছিল। কোথা দিয়ে কেমন করে যে সাধনার চিন্তা তাকে আক্রমণ করে তা সে কোন মতেই বুঝে উঠতে পারে না। ছোটবেলা থেকেই সে সাধনাকে দেখেছে। ছোট বোনটির মত কত তাকে আদর যত্ন করে এসেছে কতদিন কত খেলনা দিয়ে, গল্প বলে তার মন ভুলিয়েছে; তার কত আকার নীরবে সহ্য করেছে। কিন্তু কোনদিন তো সাধনার চিন্তা তাকে এমন আচ্ছন্ন করে ফেলেনি।

আজ কণে কণে সে তার সারা দেহ মনে একটা পুলক-শিহরণ অনুভব করছিল। একটা ছোট বাসনার টেউ তার অন্তর সমুদ্রে খেলে যেতে লাগল। একখানি সলজ্জ স্বপ্ন গোপনে গোপনে তার প্রাণের তলে যে ধীরে ধীরে নিজের আসন বিস্তার করে নিচ্ছিল, তাকে রোধ করবার শক্তিটুকু পর্যন্ত তার লোপ পেয়ে বসার সঙ্গে সঙ্গে একটা দারুণ অনুতাপ ও আত্মগ্লানিতে তার অন্তর ভরে উঠলো,—সেই দিন না সেই তার এক প্রবাসী বন্ধুর সঙ্গে সাধনার বিয়ের সব ঠিকঠাক করে দিয়েছে।

বিকলে তুলসীমঞ্চের কাছে বসে তারামন্দরী হরিনামের মালা জপছিলেন, আর নিকটে বসে শচীনাথ দুই একটা বাজে কথা বলে জননীকে অশ্রুমনা করার চেষ্টা করছিল। এই সময়ে একখানি

কচ্ছি, তুমি যদি কিছু মনে না কর, তবে বলি সাধন। মাসিমা কোথায় ?

মা ঘাটে, কি কথা বলনা শচীদা।

শচীনাথ তার মুখের দিকে চেয়ে বলে, আমার কাছে কিছু লজ্জা কোরনা, আমি তোমার লজ্জা করবার কেউ নই। তোমার সুখেই আমি সুখী। তোমাকে কিম্বা সুখী করবো এই আমার ভাবনা। কিম্বা তোমার ভাল হবে সর্বদাই আমি তাই চিন্তা করি। তুমি যদি বল এ বিয়ে তোমার ঠিক মনের মত হচ্ছে না, তা হ'লে এখনও তোমার এ সবকিছু ভেঙে দিতে পারি। দেখ সাধনা, এখন লজ্জার সময় নয়; জীলোকদের পক্ষে এ সময়টা একটু ভেবে দেখা উচিত। ইহ জীবনে এ ভুল শোধরাবার আর সময় পাবেনা। এই বলে শচীনাথ জিজ্ঞাসা নেত্রে সাধনার দিকে তাকালো।

সাধনা এ কথার কি উত্তর দেবে ভেবে পেলেনা। মাতা-পিতার নির্দ্ধারিত পাত্রকেই যে দেশের কুমারীরা সিংহাসনে বসিয়ে প্রেমের পুষ্পাঞ্জলী দিয়ে থাকে, সে সেই দেশের মেয়ে, সেই পবিত্র হিন্দু কুলের ছুহিতা, এতে তার আবার ভুল বা ভাববার কি আছে। সে একটু বিস্মিত হ'য়ে বসে' রইল, কোন উত্তর কল্পে না।

বল সাধনা, আমার কথার উত্তর দাও। তার কণ্ঠস্বরে অস্বাভাবিক হয়ে সাধনা দেখলে শচীনাথের চোখে মুখে কেমন একটা অস্বাভাবিক ব্যগ্রতা কুটে উঠেছে; জীবনে আর কখনো সে তাকে এমন চকল হতে দেখেনি। সে এবার আন্তে আন্তে বললে, মা বাবা বীর সন্ধে আমার বিয়ে দিচ্ছেন, তাঁর সবকিছু কিছু ভুল ভাবনা আমার মনের মধ্যে নাই, কেন আমার এ কথা জিজ্ঞাসা করছ শচীদা ?”

এর পর শচীনাথ যা বলতে এসেছিল তা আর বলা হ'ল না, উচিতও

কোন রকমে কম্পিত পা ছুঁখানিকে কোন রকমে স্তম্ভপ্রাচীরে টেনে নিয়ে এসে সকলকে লক্ষ্য করে বললে, ভাববার কোন প্রয়োজন নেই, আমিই এই বিয়ের পাশ। শুধু আপনাদের যদি কোন আপত্তি না থাকে।

সকলে কণেক নীরব থেকে তারপর একটু এগিয়ে এসে তার হাত ধরে বিয়ের স্তম্ভ নিয়ে গেলো। বাইরে আবার সানাই বেজে উঠল।

শ্রীরাধারানী ঘোষকারী।

ইতি

